

華陽集之十卷也。宋張綱撰。四庫簡目標注只說有鈔
本。可見以明方曆刻本殊為罕見。裴效先以江南
購書不少。但佳者幾多。予得魏默深事略一冊。是
其中白眉項復見以書更勝彼薄。帳單行的資
料。張綱為南宋初的名匠。其中原始材料甚
夥。用卷外制。里即有牛車。其時兩制的一詔。殊是
重要。今者予至杭州。食此雲洞。訪牛車墓。墓細雨
霏微。山容悽淡。徘徊墓前。彷彿猶見以民族英
雄的抗戰雄姿也。

一九五二年十二月十九日西諦

華陽集卷第一

長樂縣志
振錄西
諸子書

金壇後學于文熙校

外制

胡世將知鎮江府

四郊多壘每深當宁之憂十國為連尤重殿邦之寄
將使閭閻之安堵其惟師帥之得人爰擇時髦肆頒
明命具官某論篤古今而富淵源之學智周事物而
高練達之材嘗進列於從班蔚有聲於詞掖方時多
故庸許即安載稽望實之孚宜委蕃宣之重眷朱方
之會府當行闕之上游田桑或廢於兵屯獄訟靡關

華陽集 卷之一
於吏課興言積弊深軫至懷昔宣帝閔斯民愁恨之
聲以爲守相之任而文皇錄刺史才否之狀用昭廢
置之公朕師其言今以命爾往究厥職別俟寵褒

邵溥復徽猷閣待制

責人臣以見危致命之義蓋萬世之常規耿天下以
赦過宥罪之仁茲一時之盛典乃眷甘泉之舊嘗于
丹筆之書屬有龐洪稍還光寵具官某奮以時望儀
于本朝早承三接之榮函貳六卿之職一從吏議久
去周行亦旣省循宜見濶略霑雷雨而作解已疏南
洽之恩近日月而依光用復西清之列爾其益圖遠

業務蓋前愆庶晚節之可觀佇中興而來助

檀倬復徽猷閣待制

朕卽位以來與民更始閔一夫之不獲每推肆眚之
仁顧三尺之靡容亦與自新之路矧在謫籍嘗爲從
臣宜均寵光以復玷闕具官某頃緣拔擢寢歷高華
坐罹朋附之言辱在譴何之域孽由自作念久去於
周行恩不汝遺旣數霑於允澤其卽殊庭之邃聿升
次對之班包荒不以遐遺朕欲盡捐於宿負無咎在
乎補過汝宜益勉於新圖及此艱難尚期報稱

牛臯轉兩官

殺敵爲果莫先制勝之謀戰功曰多宜懋疇庸之典
具官某忠於爲國奮不顧身親更百戰之餘獨冠三
軍之勇志平外侮期復中原大挫賊鋒有嘉戎捷比
旣付以翰藩之任寵之廉察之權吉語嗣聞計功特
異更增顯秩併示褒恩其益勉於壯猷庶克終於偉
績

李道遷榮州團練使

朕念艱難以來干戈未息圖回疆場之事寤寐將師
之臣苟功善之有聞顧褒崇之可後惟爾協謀王事
戮力戎行材兼將略之優功有戰多之積比欲遣臨
於外鎮蓋將就付於中權成命旣頒辭寵以避有嘉
謙德宜錫懋恩益務遠圖欽予特命

李回落職宮觀

十國爲連是謂朝廷之重寄萬夫觀政豈容師帥之
不賢物論旣喧邦刑敢緩具官某起從謫籍擢貳政
機頃眷大江之南旋分方伯之任庶回晚節共濟中
興報政之期指日以俟及是再期之久宜深卹於民
勞乃惟衆惡弗勝忽駭聞於朕聽設施無狀悖謬其
謀承認旨則匿不布宣上封章則肆爲欺罔蔑弃公
議橫市私恩義方不肅於過庭姦賊至于狼籍冗食

猥多於入幕聚斂因以煩苛黠胥挾寵而威權暗移
名賊顯行而方略倒置曾是股肱之舊迄無尺寸之
功民生不聊誰任其責覽十條之來上按三尺而靡
容其鑄秘殿之華往食貞祠之祿尚從寬典益懋省
愆

陳宥昭宣使上復一官

灑行必自近雖左右前後之人苟有罪者法所不赦
恩施欲及遠雖竄逐退閑之久能自新者恩所不遺
具官某出入宮庭典司禁衛獲譴以免閱時滋多蒙
霈澤之屢更諒洗心而知過稍還秩序用示寵光益

勵操修以圖報効

李橫轉行翊衛大夫

漢武帝寵力戰之士而置賞功之官魏文侯有勝齊
之功而受上聞之爵矧予藩翰積有勞能可無寵光
以示褒勸具官某忠勤體國志略絕倫殿天子之邦
威名獨著下將軍之令殺敵無前顧瞻河洛之區行
入版圖之舊捷書屢至嘉歎不忘宜益峻於崇階庶
以昭于茂烈爾其乘建瓴之勢鼓行而西收破竹之
功凱旋以報期在朝夕別對休榮

彭玘轉一官逢郡刺史

朕勵志中原靡忘旰食惟時恢復之計悉委將帥之臣功狀上聞褒崇可後爾早懷忠義獨奮機權斬將搴旗屢奏邊廷之捷第功行賞宜登勇爵之優其就進於崇階俾逢分於刺部服茲休命益茂戎昭成爾遠圖副予延望

凌唐仇贈徽猷閣待制

臨難不求苟免是爲守節之臣殺身足以成仁宜舉飾終之典具官某奮自儒學寢階顯途宣力方勤遭時多故身雖毀豈忘報於公家義不愛生卒見殞於賊手深愴無辜之戮有嘉將死之言陟華貫於西清

慰營窺於下地歆予茂渥昭爾遺忠

錢忱父景臻追封衛國公

朕祗率訓典大饗合宮熙事備成鮮澤旁暢眷茲在列咸與寵榮施及其親豈間存沒具官某胄出王門之貴姻聯帝室之華被遇累朝躬秉一節夙著老成之望更高身後之名偉忠懿之遺勲既克成於祖德問漢陽之所服尤想見其家風有子象賢任吾環衛爰念教忠之素宜推廣孝之恩追錫徽章益開茅土信都舊鎮雖無改於齋旄淇奧新封庶以昭於幽壤精爽不寐尚其享之

錢忱妻康氏封安定郡夫人

朕以季秋大饗均福天下羣臣在列咸被光寵湯沐之賜迨其室家國有舊章予不敢廢具封某氏早以懿行嬪于甲族奉我秦魯大姬夙夜不怠見謂閨房之秀實增戚畹之華序爵從夫疏恩異等其以小君之號就更大郡之封服此綸言益勤婦事夙著

許中降直秘閣

朕以胡醜亂華士大夫流寓東南數詔郡國謹遇以理爾幸蒙推擇爲一路帥守職在奉行詔書所宜體朕德意務安存之而迺坐視淪落忽焉不加戚於其

心唯恐他族實偏以奪已便旣欲絕其廩稍則又請以興徙信如爾言凡失職之士將安所託處乎朕方布大信於人命以優卹而反動危之何以示信靜言乖謬罰其可逃延閣華資稍從降黜服我寬典毋息省躬

董震轉武節大夫遙郡刺史

朕惟康濟艱難勤勞夙夜思得竭忠奮義之士付以折衝禦侮之權因示褒優庶圖恢復爾威名夙著智略有餘迺心不負於朝廷自率來歸之路抗志欲平於寇難更多斬獲之功眷予方念於中原倚重孰先

於西土方擇維藩之寄宜推敵愾之臣地合三州勢當一面用啓爾宇爰俾鎮臨克壯軍容坐期緩靖名郡遙分於刺舉武階兼進於崇資爾其祗服恩榮益思報稱佇俟平戎之奏尚增破虜之封

杜林魚澤劉寶王升各轉遙防遙團

朕於艱難之際惜名器不輕予人至於執干戈親行陣能爲朝廷立功以寬朕顧憂則大官高爵亦所不吝具官某忠勤自奮沈勇有謀從大將以徂征掃羣兇而屢捷第功來上嘉歎不忘服茲褒勸之榮益懋邊陲之績

岳超轉防禦使朱公旦高政許大同轉團練使國家方事干戈蕩平寇亂故於戰勝克敵之功自大將軍而下第其優劣悉加褒賞蓋所以勸也具官某深於勇略久在戎行出討不庭所至輒克是謂一時梟俊之士虜功來上朕甚嘉之遷官一等以答忠勤益勵壯猷用期報効

謝克家知平江府

朕時巡方岳倚重吳門城邑相望是謂股肱之郡藩宣所寄必求師帥之賢眷我洪儒久勞遠服載新符竹宜錫贊書具官某智窮萬物之微學總百家之要

孤忠自奮見義必爲直道正言進彌縫於主闕高文
大冊久潤色於皇猷俾參機務之煩尤賴弼諧之助
暫去廊廟數更翰垣治有能名達于朕聽茲用嘉其
丕績畀此大邦所期名德之崇益重鎮臨之望念斯
民歌於來暮其無憚于暑行惟郡守職在承流將亟
觀於河澗

歐陽懋除徽猷閣待制知建康府

朕惟江左名都朝廷重寄承流宣化宜求師帥之賢
禦侮折衝兼倚藩維之固爰舉於衆茲得其人具官
某性資高明才術敏邵屢更器使久著忠勤優吏最

於侯邦贊軍謀於督府嘉爾名臣之後用昭遺德之
傳升次對之清班俾分憂於方面民勞未息其師益
公清靜之言戍役方更盍講充國留屯之策佇觀丕
績嗣有寵光

連南夫知泉州

往者閩寇弄兵諸郡相蹈藉而泉南阻險以免泉之
地並海蠻胡賈人舶交其中故貨通而民富夫富則
易驕寇不至則怠而莫之備朕思得仁明練達之士
以守茲土求於已試莫如汝宜具官某文學政事尚
于一時爲吾從臣公論浩然歸重朕嘗考汝江左三

州之政其施設不同而民皆有愿志茲用命汝往臨于泉昔汲黯為東海太守以大治聞後遷淮陽居郡如其故治汝尚勉之其為朕移所以守三州者施于泉人勿使驕惰則予一人汝嘉

馮軫降一官

國家度緇黃以牒掌于祠部而下之四方爾居是官迺不謹察合符繆互將使者疑之昔馬援以印文不同即聞^於而石建書馬闕一退輒恐懼爾當知矣黜官一等姑示薄懲尚省前非以脩厥職

祁立轉團練使

朕于人之勞雖微必錄矧茲蕩平劇賊底定一方第功有差可無褒勸具官某久在戎行深于將略荆湘之役陷陣先登爰推賞典之公以示眷知之意益思策勵毋負恩華

慕氏魏氏轉婕妤

朕念昭慈保茲皇祚已畢三年之服敢忘萬世之功爰詔有司載疇舊典既推茂渥下迨宗親宜有異恩以及嬙御具封某稟徽柔之德躬淑^御之儀敘于王

宮修厥婦事

魏氏具封某蚤備德容之懿雅勤圖史之規進服宮闈率遵婦事

方哲

宗當宁既殫夙夜之勞逮太母垂簾更資左右之助

感今懷昔撫事愴情爰申品秩之榮式示褒嘉之意
服我休命往其欽哉

郭安奴轉尚儀蘇迎喜轉司寶宋七娘轉司衣
朕念昭慈保佑之功痛深追慕几筵初徹爰舉彝章
以爾祗奉壺闈夙夜不怠進升內職用示寵光服我
訓詞毋忘祗戒

朱倩奴轉掌綵

爾事我昭慈謹於內職愴念几筵之徹爰推綸綍之
恩進陟婦宮式彰寵渥

士晤轉防禦使

朕惟皇族近親不責以吏事須歲月之及序則遷厥
官茲實祖宗舊法務隆恩寵予其敢廢具官某神明
之胄禮法是遵居無席寵之驕克有維城之譽蚤奉
朝請進列衛官歲既十周會課來上其正扞防之秩
用昭眷遇之私服我訓詞毋忘飭勵

陳永錫遷職

宮庭之制典司有官以率前後左右之人以申戒令
糾禁之事其職顧不重哉以爾早奮材能數更事任
歷險阻艱難之久靡憚 勞於出入起居之間備見
忠謹積功既著實簡予懷其進陟於內司俾益圖於

報効服此休命用副眷知

聖訓曰朕親之六親率不為之出入朕身之間而
長治之事其始雖不重而必以自早者休命更事
宮殿之階與百官必早治之入以中其全
則不為累卿
甲卯眷之存即外隨同世以治
神清聖朕親之六親率不為之出入朕身之間而
長治之事其始雖不重而必以自早者休命更事
宮殿之階與百官必早治之入以中其全
則不為累卿
甲卯眷之存即外隨同世以治

華陽集卷第一

畢

華陽集卷第二

外制

金壇後學手孔蕪校

王瓌除天武捧日四廂都指揮使充淮南東西
路安撫使司都統制

朕思恢復中原經理淮甸比謀元帥既付虎臣必資
統制之權爰整師徒之衆維時宿將宜錫贊書具官
某束髮從軍奮身許國懷禦侮折衝之略有牧人御
衆之材奇謀暗合于孫吳偉績遠希于衛霍被堅執
銳賈義勇以無前逐北追奔積戰多而居最久留行

闕董我親軍益見忠勤宜分憂寄用升華於部督俾
總率以戎昭朕命甚優爾行惟寵深溝高壘豈徒爲
固圉之謀訓卒勵兵于以俟侵疆之復

孟忠厚妻王氏封秦國夫人

朕追念昭慈德音如在奄經祥祭孝思敢忘宜頒封
爵之榮下及宗親之懿具封某氏蚤嬪甲族獨著令
儀禮先蘋藻之勤譽藹閨房之秀襲后家之餘慶既
克有聞配君子以疏榮豈云虛授用易三秦之壤俾
新大國之名是爲寵光徃其祗服

高士瞳轉逢郡承宣使差權管客省四方館閣

門公事

唐竇氏雖緣外戚姻家然皆自以才猷結知天子廁
迹名臣朕嘗以是求之今日苟有出於懿親而能以
器業自奮則亦加以寵榮而策勵之庶無愧於前代
具官某胄出高門是爲宣仁近屬早由忠謹數更事
任閥閱雖遠風流具存粵自初載嘗執羈羈從朕于
艱危動勞百爲夙夜匪懈以扞牧圉積功居多傳曰
祿勲合親朕豈忘之哉爰畀郡符往司留務其將進
爾諸竇之列爾尚勉之母忘大訓

董貴轉官遷團練使

朕方疇咨將臣疆理天下惟恐一士之或失也儻有被堅執銳忠憤不忘于朝廷顧于高爵厚祿豈所惜哉惟爾武勇自奮智能有餘粵自艱難卽親行陣摧堅却敵屢奏膚功茲用正爾武階而畀以戎團之重爾其祗服寵渥思朕所以待汝之意益加懋勉以報所蒙

張玘轉官

朕惟郡太守繫千里休戚未嘗不重其選而况陝服會府當兵火瘡殘之後外侮可虞民不安業則使之共理非其人可乎以爾懷許國之忠奮兼人之勇早親行陣屢拙敵鋒威名所加遠近信服茲用進爾武階并茲西土爾其爲朕安集黎元綏靖疆場使夫妖氛不作而境內廓廓無事則予汝嘉嗣有褒寵

曹成轉右武大夫

朕設勇爵以叙進天下有功之士至於橫列其秩尤高方時艱難惜此名器非用褒勸不輕假人具官某沈勇有謀奮於行陣率衆數萬聽命朝廷蓋知夫轉禍爲福之幾而有尊君親上之義朕甚加之上閣華資肆以命汝其思吾所以寵綏之意益圖忠盡無忘報國

翟興贈節度使

固藩維而外拒權莫重于敵愾之臣擐甲胄以先登
義孰踰于死難之士有能兼是二者獨取名于一時
宜舉卹章以昭大節具官某雅好將帥之略亟勵忠
勤之規糾合師徒鎮臨方面肅中權之威令禦外侮
于封圻駭茲狂孽之憑陵誓與孤軍而鏖擊奇禍旣
作奮勢莫回狼躡馳師身獲死而無恨張巡遇害氣
吞賊而有餘念爾仗節之忠興予當宁之歎用頒齋
鉞嘉賁泉扃庶幾精爽之存不寐寵靈之錫

董先除觀察使陝西安撫

朕惟陝右之地風俗勁勇名都大邑雄於天下爰擇
主帥實難其人以爾奮不顧身忠於衛上粵自艱難
之際卽親行陣之榮休績著聞民用信服宜升勇爵
仍畀廉車其往爲朕撫茲三州兼治號略之政使夫
姦宄消伏漸寬疆場之虞閭閻乂安復務農桑之業
在爾懋勉毋忘訓詞

韓肖胄除簽書樞密院事

贊襄帷幄允資同德之良綏靖邊隅尤重本兵之寄
矧風塵之未息方社稷之是憂歷選廷臣參決廟勝
必兼隆于才望迺克副於倚毗具官某志大而高明

謀深而博敏輔中興於初載勤勞惟國事之圖聯法
從之清班議論得大臣之休眷維韓氏之顯蓋自慶
曆以來父子繼爲宗臣勲烈藏在盟府宜有聞孫之
秀蔚爲當世之英務儒學以自將振流風而不墜朕
慨念祖宗之緒恢復古之宏規每惟勲閥之家嘉象
賢之有後是用考觀素履昭示眷懷加秘殿之隆名
付樞庭之重柄昔宣王有常德以立武豈徒震驚于
徐方而管仲作內政以寓車殆將方行于天下尚圖
遠業以嗣先猷

胡松年除工部尚書

六卿分職政事悉總於中臺百工惟時制作獨專於
起部任責旣重選能爲難得於邇聯舉以率屬具官
某異材間出時論同歸堂堂冠人物之英蹇蹇勵王
臣之節智識能窮于物表尊其所聞而高明利害不
怵于胷中養之以氣而剛大早由詞掖出領侯藩兼
文學政事之長得朝野縉紳之譽迨登鎖闥有古批
勅之風繼待經筵起予正坐之講簡自朕志其若予
工念無臺池苑囿之觀固靡勞于增飾惟是甲冑戈
兵之器正有賴于咸精服我訓言佇觀丕績

黃龜年除中書舍人

持橐簪筆均爲從臣視草代言獨高詞禁當朝廷之多故出告令於四方欲昭德意志慮之孚正賴討論潤色之美求稱厥職可無其人具官某問學淹該才猷敏博務明國家之體深達事物之情往在艱難得於扈從寢膺顯仕蔚有休稱正奉常禮樂之司肅御史風憲之地彌綸宰屬踐更史官嘉其發于辭章雅有合乎法度宜登鳳閣分掌綸言夫惟操筆成文自得中和之氣庶幾扶杖往聽思見德化之成尚其勉旃以副予望

李濟侯加封嘉顯李濟侯

爾惟明神受職下土克有常享大芘吾民愆陽爲災祈禱屢應有司以實來上朕用歎嘉增錫徽章式昭寵渥尚期靈爽無替格思

顏孝恭轉遙郡團練使

往者南城盜起害吾良民偏師討之旣克底定有司言狀可無寵褒具官某智謀有餘忠勇自奮能率衆士深入賊巢一舉成禽績效居最茲用進秩以昭爾能毋替厥勤尚圖報稱

呂祉轉一官

間者盜起湖湘民用震擾惟爾按臨一路能知尺籍

華陽集 卷之二
伍符部發將士授之方略迄以蕩平肆疇厥功進官
一等往服朕命益懋所職

董旻轉行兩官

賞國之典也所以待天下有功之士方時多故苟能
爲朕輸忠効智以遏亂略則應於功令賞可後哉具
官某奮不顧身久親行陣從吾大將屢收戎捷盜起
湖湘復能說以禍福率使數萬之衆投戈以歸有司
上其勞績良用嘉歎進官二等爰示褒優無替厥勤
尚圖所報

曹成轉左武大夫遙郡防禦使

國家用武左遏寇攘有能爲朕摧堅却敵顧於爵賞
豈所愛哉具官某久在戎行深於將略嘗率衆士大
破賊羣有司上聞績効顯著其升上閣仍畀使名益
務忠勤用圖報稱

潘致堯轉五官

朕頃以邊陲未靜求可使殊隣者惟爾有材優於專
對遂授以指遣之出疆果能爲朕伏節馳驅通二國
之好以歸夫奉命不辱旣無愧于光華則有功見知
其可後於褒寵峻升秩序用荅勤勞毋怠遠圖以修
厥職

裴衍轉逢郡刺史

爾久以勇聞從吾大將掃平狂寇見謂勤勞應進一官制不可越升刺名郡宜知茂恩益勉戎行毋忘報稱

辛彥宗叙左武大夫康州刺史

赦過宥罪帝王盛德既渙大號咸與維新具官某生於將家久更器使坐累貶削克自省循被此麗鴻宜見式序徃其茂勉尚益前愆

安時轉官

量材授官計功賦祿此國家馭羣臣之法也至於皇

族近親則不然吏事勞能一切略之而特以歲月之積進其秩序蓋御名睦之道如是而後可具官其生長富貴無膏粱之習講聞詩禮有忠信之行久列衛官士論甚美有司會課以為當選夫兵防之職視武階亦俊矣今以授汝徃其欽承益務謹良以光屬籍

仇愈降兩官

朕以爾節制舟師控于海道迺者徐文率眾背義驚吾良民實爾所臨曾無忌憚統馭之術蓋亦疎矣豈朕所望哉褫官二等姑示薄懲尚省厥躬益警爾眾

馮王已落職衝替

爾以近臣之子列于縉紳不務謹良淫醜自露有非
士之所當爲者延閣之班尚安得處其加鑄奪姑示
薄懲

葉渙落職宮觀

池陽邊臨大江以兵爲重爾任帥事宜知尺籍伍符
謹修補卒之法而迺妄行募召倚爲扞防凡所竄名
皆羣不逞坐致兇謀潛會肘腋變生逸其渠魁務姑
息郡寄若此朕何賴焉其鑄論譏之華往食祠宮之
祿猶爲寬典毋廢省循

韓肖胄母文氏特封國號

朕惟天步方艱戎衣未定爰擇近輔往使殊鄰受命
而行旣盡大臣之節勸子以義又聞賢母之言益其
志有私親之所難則以知夫國事之爲重肆加褒寵
靡限彝章具封某氏太師之孫魏公之婦積勲勞于
異世萃忠孝于一門允蹈令儀豈獨專女子之職習
聞先德固知徇國家之勤眷予樞臣夙遵母訓比通
兩國之好迺有萬里之行果能教以義方謂勿憂於
家事慈闈定省雖暫遠于晨昏使節光華庶克昭於
忠信有嘉爾志良副朕懷爰疏大國之封用侈雕軒
之飾綸言錫寵宜益保於耆年綵戲輝庭將共觀于

復命

李膺落職降一官

天下之賦鹽利居半方時艱難仰此以佐邦用則商

賈林遷宜有以優假之爾為郡守不知體國迺託贍

軍之名違法率歛其人上訴輒更文書變詐自解詔

案有實罪不可追黜官一等罷直延閣尚為寬典勉

務自新

陳永錫特轉行遙郡一官

賞以序官國之令典藏在盟府示不敢私惟爾知事

上之忠得謹身之道服勤殿幄積歲居多迎護宮闈

任職無闕宜升武秩舉刺大州用荅勞能尚圖報稱

華陽集卷第二

華陽集卷第三

外制

解潛再任荆南鎮撫使

金壇後學于文熙校

昔章臯治蜀張建封治徐嚴震治鳳率以久任而成
功名未聞數變易也載在舊史朕甚慕之具官某有
牧人禦衆之材有折衝禦侮之略作鎮荆峽兼總兵
民恩威並施遠近信服朕方以為西南藩翰之固而
飛章遽至迺以滿歲自言夫申畫封圻撫綏方面蓋
將久其所職責以成効雖終更有制豈應亟還宜申

錫於贊書俾薦臨於郡政毋使有唐數子獨擅其美則予汝嘉汝亦永有終譽

樊彥端轉行遙郡刺史

朕惟王者用人有勞必錄一藝而上咸被褒寵以爾究習方技出入禁嚴祇奉有年率職彌謹用茲疇其功緒錫以殊恩往御名厥官益圖稱塞

士博轉一官

朕念國家多故皇族中微每推骨肉之恩欲厚根本之芘矧茲會課敢廢舊章以爾胄出神明蚤聞詩禮耻貴驕之習御名信厚之風入奉內朝久居環衛用載

頒于命綍俾升進於武階夫閱歲十周遷官一等得之匪易尚克欽承

士樽轉正任防禦使

考績之法治道所先雖予屬籍之懿親猶以積年而叙進是曰舊典豈朕敢私具官某胄出神明閑於教訓雅知爲善之樂居無席寵之驕列位內朝久著嘉譽有司上課法應第遷夫惟扞禦侮者旣用名尔之官則以親屏周者其亦惟官之稱往服明命無愧古人

士鵬轉遙郡刺史

華陽集 卷之三
刺史漢官也國家因其名以爲武階所以待天下勞能之士而有司謂爾宗族之英久居環衛法當得之朕惟親親尚恩肆加寵命爾其益思祖宗流慶之及勉盡忠孝求稱厥官勿期世祿之驕庶有維城之託

楊沂中

司馬法曰軍賞不踰月欲其速得爲善之利矧吾梟俊討定一方疇厥勞能可無褒勸具官某忠於衛上奮不顧身有古將帥之風能勵士卒之氣比緣妖寇竊發嚴衢命以徂往至則殄滅雖殺敵致果衆一迺心而發縱指示實由主將進司留務用爲爾寵徃其

祗服益思遠圖

沈昭遠改官

昔鄭當時推轂士及官屬承史有味其言見稱後世矧予樞輔御名簡迺僚謂爾有材形於論薦召見便殿言合朕心宜進厥官俾仍舊服徃承休命益勉所聞

舒清國除起居郎

昔孔子作春秋先正王而繫萬事大法昭然垂訓後世朕方日昃御朝思濟洪業若時言動御名於幾微遴簡時髦昇職記注庶乎紀事得實如古作者惟爾操行純潔秀于士林問學淵深蔚有文藻仇書中秘議

禮南宮閱時滋多發聞彌著茲用命爾進直螭坳凡
舉必書是爲善志館勿失嗣有寵褒

洪炎轉一官致仕

朕遭時多艱纂業中興顧焦勞方急于求賢義豈容
於謝事惟筋力或愆于盡瘁勢雖彊以居官矧予邇
臣服勞茲久宜頒命渥以休餘年具官某舊學淵源
老猶篤志後生領袖論必據經召從江海退閒之餘
擢實言語侍從之列方資獻納俄爽節宣陟次對之
清班就燕閑於真館露章有請遽欲辭榮當饋興嗟
重違雅志俾遂山林之適仍嘉爵秩之榮祗服寵光

用介眉壽

王岡王廷秀除直秘閣宮觀

朕惟在服在位之士宣勞國家或以疲老言於其去
也宜有以寵綏之爾等踐更任使恪守靖共擢自郎
曹實之宰屬閱時未久遽欲求閒其升延閣之華往
食真祠之祿少休勞動尚勉壯猷

杜湛轉武翼大夫遙郡刺史

朕欲綏靖方隅而盜賊羣輩爲害民久失業爾以忠
勇自奮殺敵無前用能乘利席勝破蛇豕之毒有司
言狀惟予汝嘉進陟武階升刺名郡恩寵厚矣往其

勉之

更自劉太中除監察御史

迺者分遣使輶假御史持節導德意于四方而察郡國之政爾以端方亮直之資奉指御命風望隱然奏牘屢聞刺舉無所迴避朕甚嘉之茲用擢居憲府遂正其名夫耳目之官職在振肅紀綱督吏治以糾不法惟爾之能見於已試往其勉之勿苟勿隨勿使聲稱減於前日則爲舉職克副朕意

梁彥贈官

惟爾奮自行陣蚤以勇聞盜起搶攘率先犯敵隕于

非命良用盡傷贈官一等式昭異數營竟未泯尚其享之

李擢除徽猷閣直學士與郡

中臺政事之原尚書均爲八座內閣圖書之府學士尤高近班入則分六職以赴功出則畀隆名而示寵具官其蚤以儒術簡于公朝徧儀法從之華借罄辰猷之告頃從外服載陟周行亟進貳於冬官遂躋榮於宗伯朕方御擇師帥撫臨翰藩用輟邇聯復分憂寄念宣勞于南省俾列職于西清寵遇則均徃服恩榮之意論思惟舊敢忠盡之規

曾楙除禮部尚書

周監二代備庶事于彌文漢鄙兩生起朝儀于綿蕪
朕承祖宗積累之德悼禮樂散亡之餘名物雖具于
有司制作靡遵于故典欲振迺職必惟其人具官某
有厚重長者之風能通達當世之務蚤由時望亟被
明揚寢更二省之嚴旋寘六卿之列詞章雅健極代
言視草之工議論宏深見憂國憂民之志自違朝著
久逸真祠益聞譽處之休深渴老成之助屬春官之
虛位惟舊人之是圖已試曰能肆今命汝夫遵豆玉
帛宜兼節于情文若朝覲會同必因時而隆殺庶使
威儀復正姦究自消靡聞擊枉之爭是謂播刑之迪
往服朕訓無愧古人

宋伯友除刑部侍郎

堯帝清問下民時莫先于降典文王罔兼庶獄亦惟
付之有司眷予邦憲之嚴實重秋官之職欲使無訟
何擇非人具官某識量宏達而濟之彊敏之材性資
粹溫而輔以疏通之智當官有守見義敢爲頃由識
拔之公亟躋侍從之列式我司寇能自得于刑書殿
彼雄藩至不擾于獄市大孚衆論有嘉爾能其遂解
于一麾以復掌于八辟爾宜察吏刀筆重人死生豈

獨以明允自將邁種臯陶之德亦庶幾剛正不撓無
替廣平之風祗服新恩徃司舊服

楊從儀轉親衛大夫

川陝用師久矣凡出入行伍有尺寸微勞者未嘗不
錄而况被堅執銳勒部曲以立功名顧所以寵褒之
其可後乎具官某沉勇多謀戮力自奮方虜寇大人
勤吾西顧迺能先登却敵屢紀殊効幕府上功進秩
一等庸示眷獎以勵其餘徃服厥官毋忘報稱

陳楠升郎中

文昌六官之屬有郎中有外郎各從其資以序厥位

爵以文行兼著再擢省闈有司上其闕閱卽爾舊服
用外正員夫以二千石之秩入贊地官之政望亦高
矣徃旣乃心以充其實

李擢知婺州

昔汲黯由九卿出補淮陽薛宣以御史中丞爲臨淮
守侍從之臣宜在左右然郡國得人不以去朝廷爲
惜也具官某文學奮勵有稱于時更踐禁途宣勞滋
久惟東陽古郡扞我南服若時師帥非賢不居是用
輟爾于六官之列畀之西清延閣之華以撫臨其民
衆之用人視漢無愧徃服休命勿怠厥修

錢圻改官

銓部改官之法必稽歲月審功過察保任應格然後以聞于上惟時異恩則略之爾以儒學之秀克自奮勵爲屬樞府譽言達于朕聽召見便殿占對可嘉是用進爾京秩示吾所以推獎之意往服休命益勉厥勤

虞灃陸長民除吏部郎官

天官銓序人物其任重矣省方以來案牘散落巧吏請徒詐欺不出寒士有不能堪者比詔有司除其弊選吏以主之汝灃材識詳練有聞于時汝長民風力敏彊見于已試茲用簡拔爲屬其往爲朕摘辨條章檢捉姦僞要使官曹一清而侑謝之私自汝屏迹汝尚勉之無負予詔

洪炎轉四官

遇臣下之禮宜務全其始終念死喪之威顧可忘於褒卹具官某言有壇宇學造淵源典刑獨紹于前人氣節雅高於流俗召自遠俗寘之邇聯期造膝以輸忠會積痼而去位義難奪志甫遂掛冠天不假年遽聞易簣命也不淑愴然興懷其峻陟于文階庶流光于泉壤尚惟精爽歆此恩榮

邢煥特贈少師追封國公

正位齊家允賴坤闈之助裒賢錄善宜先戚畹之英
追賁寵章式昭異數具官某忠信而好禮靜專而寡
求早奮志于周行亟躋榮于清貫踐揚滋久譽處彌
休惟積慶之有初致流芳之未艾是生碩媛作配朕
躬位正椒塗親隆肺腑齋壇授鉞專節制于中權
華袞升班等威儀于上宰念淪忘之未遠愴閱閱以
興懷再疏大國之封仍冠三孤之秩夫雲臺畫像伏
波豈乏于勲名而石臼陰功平壽宜膺于命冊尚期
精爽服此恩榮

邢孝揚除直秘閣

朕讀周詩而美葛覃之化稽漢制而隆肺腑之親匪
為私恩厥由舊典爾恭御名自守志節可嘉顧于中宮
寔謂同氣俾升華于延閣庶增寵于私庭往服官榮
式彰眷遇

后姊邢氏加封郡夫人

朕于戚里之家不欲以私恩掩公義然義有不可廢
者恩得以行焉惟爾克懋女德實為后兄習聞環珮
之聲秀發閨房之譽疏封大郡進號小君服此茂恩
益修淑御名

郭孝友禮部郎官

文昌設屬唯儀曹舊號南宮舍人稽古禮文之事與夫尚書牋奏皆在所掌其選甚艱爾以儒學有聲踐歷滋久擢居省戶孰曰不宜惟制作必遵于典常而撰著明于體要是爲稱職嗣有寵褒

趙濡禮部郎官

祠者國之大典職在春官而祠曹主之爾以儒術自奮克世其家官于奉常見謂通敏省戶之選僉曰汝諧往旣厥心毋忽朕命

吳革除直秘閣

中秘圖書之府以儲天下英俊之士惟爾奮由材譖久贊軍謀奏事便殿議論通敏其往寓直延閣以昭示寵獎之意欽予時命益勉厥修

栗順等遷長史并司馬

惟爾世懷忠順克守教條有司以言進爾上佐往服恩寵恩報所蒙

后妹邢氏并弟婦高氏並封安人

命婦八等之制惟夫若子通籍于朝始得以序進焉

至于一時異恩豈限彝典爾以中宮女弟

高氏云后親之懿

淑御名有聞念方加惠戚藩宜見優寵是用躡進封號

以昭朕意往服休命益茂爾德

至于

命歎人等之歸對夫君子

武慈深力我榮教高且

恩請恩非汎蒙

到爾出對忠烈

東師

華陽集卷第三

畢

華陽集卷第四

金壇後學于孔蕪校

外制

王序封贈二代

故祖伯琪故父夢陽故祖母張氏前母陳氏故母向氏

朕頃者合宮享帝慶賜遂行縉紳大夫恩及父祖

陳氏

向氏云

存亡靡間厥惟舊章

具官故祖故父或母以爾

抱才不施

張氏陳氏向氏云

積德甚厚有孫能仕

父母云

遂至大

官推其本源

父曰推其忠教母曰推其母慈

用贈封秩服此休命以

光重泉

王序故妻鈞氏

命婦爵秩各從其夫茲予慶賜之行燕及臣工之列
既疏榮於祖禰仍追賚其室家具官其妻某氏相其
良人登于顯仕生具淑德沒有令名宜更大郡之封
以慰重泉之望營竟未泯服命惟新

向子廉復官

朕惟欽聖功在社稷萬世永賴遭時多故而向氏子
孫流落殆盡惟爾幸占仕籍迺復坐累削官念之慨
然宜見褒序既復文階之峻更升延閣之華以寵戚
藩斷自朕意往服休命尚益前愆

王革追授中大夫仍落職

朕觀前世酷吏慘刻少恩未嘗不惻然動心而況出
于近時殘鷲始有甚者按其見惡雖死不赦具官某
素行陰賊盜竊寵榮當政和宣和之間聲焰熏灼專
以刑戮爲暴觀望相指陷人于罔寬痛之聲達于上
下累仁聖好生之德傷天地至和之氣厥罪旣著身
不卽誅顯秩崇名沒猶冒處蓋于爾失刑甚矣宜從
追削少謝無辜爾則何知要爲後來之戒

張叔獻除直閣提刑

朕惟爾父當靖康艱難之際竭節自奮犯賊兇威身
陷虜庭忠在王室肆求厥後大臣以爾名聞引對便

朝有嘉占奏進直延閣往按祥刑豈獨示朕一時異恩亦以爲後世臣子之勸

楊選馬千轉行右武大夫

師出以律故能有功賞不踰時所以示勸具官某智窮武略勇冠戎行枉寇犯邊奮身却敵數其軍實積有戰多宜升上閣之華以聯橫列之峻往服休命益勉壯猷

田開除刺史

往者虜寇大入西土人以不靜賴我將士雲集霆擊以克有功幕府具聞爾實居最錫以褒命用昭寵渥

尚思懋勉無負厥官

許份轉一官致仕

事君而能致其身旣勵匪躬之節引疾則閔勞以事宜推從欲之仁厥有故常用昭異數具官某沉静有守惠和而通問學得于家傳術明于世務持橐簪筆徧儀侍從之華剖竹分符屢易翰藩之寄自違朝著久佚祠宮忽抱疾之有加願辭勞而歸老進一官等俾休餘年其茂對于寵光尚克寧于幹止

唐輝除右史

朕惟唐虞三代之盛皆有史官紀其行事千載之後

如出乎其時而見乎其人者書之傳也今吾左右置
史執筆記言動亦以昭示後來厥任重矣惟爾秉心
直諒迪德惠和學靡空言慮無遺策頃有臺屬擢備
諫貞讜議日聞風節彌勁茲用稽之士論俾直殿切
昔遂良由諫大夫知起居事善惡必記以戒太宗不
爲非法而魏謩自補闕爲右史文宗猶以朝廷闕失
責其論奏此朕所以命爾之意爾宜勉焉無愧古人
以永發譽

謝克家移郡

懷仁義以事君入則聲嘉猷于帷幄居賢德而善俗

出則分憂寄于藩維雖二者任職之不同然一于寵
遇而無間矧竭均勞之請宜推從欲之恩具官某疏
通而有謀莊重而不倚見聞殫洽故能洞羣言之微
議論宏深可與圖當世之務蚤延登于輔弼俾茂贊
于經綸自去崑廊數更符竹趣奉介圭之覲詔陪講
席之游大一統于麟經覺斯文之未墜冠諸儒于虎
殿廣舊學以多聞俄爽節宣屢形懇避念稽古之功
未究而引疾之志莫移畀以近邦寬予南顧徒得君
重當薄于淮陽惟旣厥心尚不忘于王室更

張絢改官

朕分遣御史循行天下察吏治之能否而升黜之爾
以材請效官發聞于下邑遂獲論薦召見便殿敷奏
詳明茲用進爾京秩以示褒寵夫千里之行始于足
下往加策勵用寬遠圖

章誼洪擬各轉一官

為官擇人取正銓衡之法以稽為決具存簡冊之公

屬兵火之蕩焚詔臣工而緒正成書來第勞有差具

官某博通世務而言必據經明習憲章而事無遺策

誼頃貳司寇考法治官擬頃由宗伯兼長治官俾專

筆削之工釐補詔條之逸昭明義類迄就編謄分核

品流悉從科指吏絕詐欺舞文之弊士無流滯失職
之憂實繫爾能有協朕志章程既定仍舊貫于七司
褒典有加進文階于一列徃服休命知予眷懷

周聿許搏范伯奮改官

朕寤寐求材唯恐不及雖布衣之士延見訪問猶將
用其言而顯其身矧如爾等咸以行能克施有政肆
加召對議論簡于予衷可無異數昭示寵獎其各改
序京秩以需進用

梁汝嘉轉一官

唐李巽領鹽鐵初歲之利如劉晏之季年其後則三

倍晏時今國家經費浩繁鹽利居半分道置使務廣
貲儲爾以通敏之材嘗被簡擢頗能爲朕操致奇贏
課其歲入視昔增羨使諸路得人悉如爾者亦何必
遠希晏巽哉宜進一官以爲爾寵往服休命益勵遠
圖

虞灃除左司

天下之士固有優于政術而辭采或不足觀飽於文
學而吏事迺其所短朕勵精圖治求全材而用之則
官人之方莫如歷試以爾典校秘文資以多識論譔
東觀敏而有辭方將考實于事功而郎省踐揚未究
厥蘊若時宰屬夙號要司糾察六曹分總萬務肆以
命爾益試其能夫盤根錯節游刃有餘者大匠之斲
也勉旣厥心以副朕意待汝舉職則有褒遷

陳昂除吏部郎官

朕惟艱難以來銓部之法日失其序比加刊定著之
方冊將選通敏之士各修迺職奉以周旋惟爾奮自
諸生久更器使屬予司寇藹有休聲茲用序進劇曹
究其施設夫成法具在待人而舉能使吏茲寢息而
究曹益清是爲守法尚克勉之朕將于汝觀焉

魏良臣除刑部郎官

朕惟官人之方狗名不考其實則浮僞者勝狗法而必以次遷則陸沉者衆爾以儒術自奮效官輦轂之下率身自檢屏迹權門嘉有譽言肆令召見觀其占奏名實具孚宜膺不次之除用示求林之勸亟升郎位往屬秋官無怠厥修思所以報

陳規除直龍圖閣知廬州安撫淮西

朕惟淮西之地沃壤千里胡醜亂華莽爲盜區雖干戈擾攘之難略平而創痛呻吟之聲未息非夫練達老成之士往殿厥服何以寬朕顧憂具官某靜重有謀果毅以達蚤勵忠勤之節屢膺藩翰之寄折衝禦

侮疆場綏靜牧人御衆閭閻輯和朕嘗考觀安陸池陽之政多迺成績茲用峻以內閣河圖之直昭示褒寵汝其爲朕徙治合肥振肅中權拊安諸郡昔魏尚守雲中而匈奴不敢近塞龔遂治渤海而賊盜至於弃兵往師古人無使聲名減于前日則予汝嘉

吳敏封贈二代

故祖父故祖母王氏段氏

吳敏其官

朕大享合宮祇見上帝肆頒渥澤均迨于臣工燕及私庭豈間于存沒具官某故祖具官某生于積德樂于隱淪故祖母云有積德發慈祥報在迺孫寢以光大時惟故相屬奉貢祠方慶賜之遂行推本原于所自維師一品

追賁九泉故祖母云更封大國追賁重泉尚克有知服茲休命

故父

腦詞具官某故父具官某抱材不試積德在躬發其

幽光克有嗣子時惟故相屬奉貞祠方慶賜之遂行

推教忠之所自寵增峻秩追賁重泉尚其有知服此

休命

故母夏侯氏

腦詞具官某故母具封某夙奉蘋藻具宜室家積德

在躬有子而貴時惟故相屬奉貞祠方予慶賜之行

慰乃劬勞之報寵增封秩追賁泉局尚克有知服此

休命

祖母韓氏

朕躬報圭幣大享于合宮霈澤下流羣工卿士爵命

及其私庭時乃舊章予不敢廢具官某母具封某氏

淑德懿行有聞里族慶種厥孫實惟故相眷茲盛禮

宜錫恩榮爰增大國之封用侈雕軒之飾往服休命

益介壽祺

妻曹氏

腦詞具官某妻具封某氏淑德懿行有聞里族作配

君子嘗為輔臣宜更大國之封云云

王秀除直秘閣仍賜章服
 朕遭多故深懷罄石之宗睦族以恩欲大本根之庇
 以爾龔神明之貴胄崇信厚之遺風志在詩書不驕
 於富貴施之政事克勵于廉勤有嘉屬籍之賢獨藹
 焉紳之譽俾升華于內閣仍賜寵于身章庸示展親
 以來有德往服休命無怠爾猷

徐杞除司勳郎官

賞國之典也以待天下有功之士若時司勳實掌其
 法以辨其等而詔爵祿焉惟爾練達老成恪勤事業
 列職民部克有能稱往贊治于天官以參校于勳籍

昔王成以偽受賞而後之俗吏多為虛名爾勉圖之
 用懲其弊

沈昭遠除戶部郎官

以版籍考戶口之耗登以地征制財用之出入民部
 之職郎實參之惟爾蚤勵材猷亟蒙器使效官樞府
 有裨密議宜升省戶益究厥能往修而官以副朕足
 國裕民之意

章誼除龍圖閣學士

憲河洛圖書之瑞宏內閣之邃嚴奉祖宗謨訓之藏
 極儒臣之榮寵式序在位必協公言具官某博稽藝

文明達政體粹然論議智每合于投機試之劇繁才
有餘于游刃以嫉惡根霜臺之譽以持平守法寺之
公擢貳秋官有嚴邦禁爲屬樞府克贊兵謀蔚高侍
從之華嘉乃踐揚之久冠西清峻職正學士之隆名
庸示殊恩式彰有德徃祗厥服恩振所蒙

孫近除給事中

國家以三省綱紀天下而東臺封駁之司實萬機出
納之地欲使發號施令罔有不臧立正官人動無過
舉宜得剛明練達之士以修厥職肆求在列僉曰汝
諸具官某負挺拔之資富精微之學蚤先羣彥再掇

異科秀于文詞得宇宙中和之氣措諸事業究朝廷
設施之宜耻違道以于時久淹才于外服頃方擢備
記注遂掌絲綸既多潤色之工尤竭論思之助宜進
司於平奏用益展于壯猷簡自朕心克協公論惟爾
代言之日已屢聞于直聲則夫批勅之風諒無愧于
前史徃共迺事尚勉之哉

聞人武子改官

朕比遣將臣經理疆宇爾居幕府久以材聞賜對便
朝占奏有足嘉者宜略銓部之法改序厥官其徃悉
心以佐武服以稱朕待汝之意

王處改官

朕惟爾兄以身殉國不得終于牖下念之惻然同氣之親如有爾者嘗掌執羈勒從朕于艱難宜有以優恤之改序厥官無忘報稱

華陽集卷第四

畢

華陽集卷第五

金壇後學于文熙校

外制

劉大中除右司諫

朕兢業圖治如涉淵冰深惟萬機猶懼有闕敷求端實剛明之士備耳目之官左右規切以開廣視聽惟爾博通儒學敢于有為奉指觀風百吏震聳入居憲府志節彌厲茲用進爾于七人之列夫大則廷議小則上封諫臣之職也爾其夙夜罄竭輔朕不逮傳不云乎千人諾諾不如一士諤諤朕三復之蓋于爾有

望焉
王存追復資政殿學士左正議大夫贈左銀青光祿大夫

朕念泰陵憂勤天下時有廟堂元老左右弼諧協成
不功垂裕後世歲月逝矣遺忠隱然尚其典刑可勵
媮薄寵榮弗及公論謂何具官某躬蹈古人夙有重
望引義慷慨見于立朝元祐之初首膺簡用進位丞
轄厥德茂焉中遭煩言陷于鈞黨齋志沒地久未昭
雪朕方旌別淑慝以定國是肆疇勲緒考以舊章升
秘殿之隆名陟文階之峻秩垂光幽壤流澤來濟精

爽如在尚克欽承

韓膺胄除直秘閣與外任

右府本兵中臺布政分隸厥事其來尚矣今爾任吾
宰屬以材自奮顧于樞輔職靡所關乃遽引嫌丐從
外補勉狗抗章之懇俾升延閣之華徃服恩榮別膺
器使

李大有除右司

朕以二三大臣總中臺之政設官置屬分贊左右一
事之舉差若毫釐之遠天下休戚繫焉惟爾頃由郎
省出膺郡寄能以材術自勵治譽藹然則夫朝廷施

設所宜于民者亦既深究而熟講之茲用命爾爲吾
宰士爾其悉心徃共廼服以其所見于昔考所行于
今必使六曹萬務各當其理若網在綱有條而不紊
庶幾流澤于下而民有愜志則予汝嘉

錢圻除刑部郎官

六卿之屬皆朝廷高選而刑辟重事掌于秋官必資
通明練達之士庶革頗類放分之弊以爾文學行藝
稱于縉紳中外踐揚顯有嘉績其徃列于郎位用參
讞于刑章罔非在中尚迪有慶

張致遠除監察史

朕拔舉賢能執憲轂下豈惟使之督察吏治亦將勵
其風節取人所難以待異日之用惟爾問學淵博材
猷敏彊見于設施信其有立是宜擢居臺屬贊肅綱
維惟公無私可以守法惟明不蔽可以照姦人之言
曰柔亦不茹剛亦不吐無縱詭隨以謹罔極吾將以
是望汝尚克勉之嗣有褒寵

許份贈四官

陳力就列者人臣之義隱卒崇終者朝廷之仁嘉迺
遺忠肆推卹典具官某嗣傳家學躬有令名蚤被遇
于熙朝亟升華于禁路事功克著揚歷茲多久去周

行方遂掛冠之懇載披奏牘遽聞易箚之言念其平生爲之惻怛陟文階之四等賁餘澤于重泉尚其有知服我休命

韓之美李恪各轉一官

日者虜大入襄郢一方爲之搔動而安睦密邇形勝相望爾等或任守臣或貳郡政嚴武經而外拒固吾圉以自安賊不敢窺民用無擾有司言狀朕甚嘉之何愛一官不爲爾寵往服休命益懋遠圖

胡世將除禮部侍郎

朕當艱難之時尤謹于禮故凡典司之任必擇其人眷迺秩宗實爲高選若時置貳用采公言具官某夙猷靜淵器質通敏蚤發揮于事業寢揚歷於禁嚴炳若詞章深得代言之體粹于論議屢殫造膝之忠畀方面以宣勞總中權而兼制化行里俗荒疇漸復于春耕令肅兵屯外戶不聞于夜閉方渴論思之助宜還表著之聯徃副六卿遂典三禮夫出維周翰旣已臻賣刀買犢之風則入備漢儀豈復憂拔劔擊柱之事勉勵夙夜用副簡求

劉岑除刑部侍郎

朕惟王政必本于仁恩宜重萬民之命俗吏或牽于

私意靡遵三尺之公肆求時髦俾職司寇具官某性
資敏明而輔以博古之學辨論詳雅而發爲華國之
文夙藹譽于儒林亟躋榮于要路彌綸省闈肅振綱
維揚歷道山蔚高領袖察其更事之久必能議法以
情簡自朕心宜掌邦禁徃攝貳卿之事進聯法從之
班爾其端一意以持平審四方之奏讞民之多辟忍
橫被于非辜法無二門尚參決以古義用迪咸中之
慶庶追止辟之風

唐恕贈微猷閣侍制

上有旌賢錄舊之德下有生榮死哀之美朕覽觀前
史有味其言是用優寵臣工不間存沒具官某名德
之後蹈履五常浮沉半生不爲勢屈眷言靜退之節
足以率厲本朝召自山林真于卿列朕方嗟其相見
之晚人皆期以不次之除如何老成奄忽長逝矣少
也懷才不見于用晚而見用不盡其才追想遺德干
予心有戚焉次對西清叅軍法從以彰眷禮以慰爾
地下之靈尚其有知服我休命

鄭作肅除直秘閣

宰屬要官彌綸省闈爾居其位以稱職聞尚宜服勤
究乃施設遽茲引疾祈去周行考厥舊章寵升延閣

姑遂爾志往其欽承

韓肖胄知温州

量材受任進賢雖協于公朝居寵思危引分迺全於
臣節眷予近輔祈解要樞爰推從欲之仁曲示均勞
之意具官某性資夷粹識度淵宏蚤宣力于事功寔
升華于嚴近疇若名臣之緒夙推濟美之賢越自貳
卿登于右府出疆萬里嘉復命之良勤坐制四夷方
運籌之有賴奏章俄上去志莫回俾辭宥密之司往
卽維之藩寄奉行詔令其務息于民勞益勵忠規尚
無忘于王室

梁汝嘉除徽猷閣待制

朕惟今日巡幸之邦形勝有同于畿甸若時浩穰之
治剗裁寔賴于守臣疇厥功庸宜加寵異具官某有
疏通之智有彊敏之材早自奮揚亟蒙任使摘山煮
海課歲入之居多輓粟飛粟致軍儲之有裕旋委翰
藩之重俾司輦轂之繁吏有點姦望風引去事雖盤
錯投刃皆虛數引見于便殿信迺言之底績升華次
對進列西清庶同增秩之褒庸示懋功之勸往服明
命益勵遠猷

沈與求知鎮江府

朕觀東南形勝之地京口實當上游方茲時巡尤所
倚重思得折衝厭難之士以修古方伯連帥之職用
作外屏寬予顧憂具官某學不守于空言才克施于
有政蚤膺東掖亟寘清華執法憲臺則排姦擊邪紀
綱復振率屬銓部則揚清激濁流品自分玉堂推詞
翰之工經幄罄論思之助以其蓄之有素故能用無
不宜久去周行殊鬱士論是用起從貢館殿此大邦
眷惟一路節制之權加以萬旅營屯之寄非威重足
以鎮浮則人不服非惠和足以宣化則下不安徃圖
厥功奚俟多訓

侯延慶除太常少卿

朕惟六經之道同歸而禮之用爲急遭時多故奉常
之官名存而實廢孰能爲朕褒舉闕遺正其名物
庶幾一代之制尚有典刑惟爾博學而文強志以敏
考其施設譽在縉紳比自侯邦召寘右史時乃舊物
已試曰能宜更錫于贊書俾遂亞于卿列朕方布告
中外有事郊丘爰復舉于上儀其敢忘于舊典討論
制作在爾勉之

蘇攜除宗正少卿

朕觀周南麟趾之化而美召穆公糾合宗族之詩眷

言懿親曲加御名叙惟是圖謀散逸未克訂正屬之卿
寺必推其人以爾明純惠和名臣之子更歷事任爲
時老成久滋退閒厥聞彌著用復寘于少列俾職司
宗夫伯臣之設非獨序正屬籍辨昭穆之親疎也典
刑視效于是乎取之勉爾所職昭厥象賢之美使吾
同姓皆知蹈履先德亦所以勸顧不遑歟

陸長民除右司

朕惟朝廷之官皆爲擢用至于宰相之屬尤號要司
贊綱紀出納之權懋省闈彌綸之望孰能任此莫如
汝宜惟汝蚤奮才猷亟蒙器使勤勞備著中外迭居
若時都公實乃舊職稽其已試之效考以僉言之同
是爲得人徃共厥服惟明敏能會法意惟公勤能督
吏姦使六曹無滯于所行則萬務不勞而自理祗若
予訓嗣有寵褒

晏復除吏部郎官

朝廷品覈人物掌以天官分總銓衡惟郎是賴爾以
識度之遠材術之優頃蒙東求與吾選事今用復爾
于外俾列舊職爾其悉意一從事于新書使夫黠胥
不能玩法而寒微留滯之歎則予汝嘉

胡松年除吏部尚書

中臺分建六職允爲喉舌之司文部品序羣材尤重
銓衡之寄遭時艱棘舊典逸遺方考實以成書思得
人而總治求于試可宜以次遷具官某諒直而粹溫
䟽通而敏博才用衆務本于獨見之明學洞羣言輔
以力行之志蚤持從橐克勵忠規代言西掖而進專
瑣闈封駁之嚴率屬冬官而兼備經幄講論之益會
殊鄰之脩聘將使指以出疆言不見于幾微動輒得
其要領嘉乃任職簡予深衷俾升常伯之聯用冠其
泉之列旣師言之允穆庶邦治之協寧昔魏用毛玠
崔琰典吏之曹化清儉之節于多士唐以宋璟李乂

掌選部擅平允之譽于一時往旣厥心古人不遠

陳與義除禮部侍郎

朕選六卿之亞皆民譽也故治官掌銓衡之政而宗
伯總禮文之事然劇易之職不同至于佐其長以率
屬則協心盡悴厥任惟均具官某蚤以異材亟登邇
列分職文部期年于茲茲弊旣除譽言無間念方使
之進陪經幄兼直玉堂若猶責以煩劇之勞將恐妨
於論思之益宜從所便易畀簡曹且禮所以治神人
和上下豈在區區文物之間爲哉爾其勉修厥職使
夫日力有裕而專意于問學文章以奉我清閒之燕

華陽集 卷之五
朕心所望尚克體之

胡世將除刑部侍郎

朕惟天下一物失所尚足害政故于刑辟之事尤致
哀務秋官亞卿率屬爲重朕所選畀非賢不居具官
某學窮經術而知其變通智達事幾而見于施設比
自侯服召還秩宗雖未卽于周行已大孚于羣聽會
茲司寇方務得人載疇僉言咸曰汝可昔者伯夷降
典要在折民惟刑臯陶制百姓于刑之中而曰以教
祗德蓋二官任職雖或不同然一體相須未始有間
往師古意其審克之

劉岑除吏部侍郎

朕方肇修銓衡之法付之文部使天下之士咸以資
格聽其考序其職顧不重哉非得夫剴煩治劇之才
何以勝激濁揚清之任具官某學博而有守言大而
力行擢貳秋官掌予邦憲以情論法吏不敢欺信其
才高可膺煩使治官之亞汝宜攝承夫裴馬之能述
于史氏後世稱焉往其懋勉無愧古人是爲任職

唐煇除中書舍人

文章爾雅訓詞深厚獨稱西漢而後世罕能及者朕
心慕焉是以敷求天下修潔博習之士置諸左右侍

從之列使備述作庶幾古人具官某秉德粹完行純固韞積六經之奧服膺一善之微蚤勵才猷亟蒙器使擢居諫省知無不言進列史官書必以法朕既嘉其風節之勁又嘗考迺詞章之華宜陟綸闈遂與書命夫代言之任是謂儒者之至榮然稱職為難當識國家之大體益勉所學以宏厥聲

華陽集卷第五

畢

華陽集卷第六

金壇後學于孔蕪校

外制

李亦改官

爾由疎遠上封自言公車以聞遂獲召對亦可謂遇矣觀其論奏志有足嘉命改厥官庸示殊寵夫為士者非馳騁進取之難立而無令名之患往服朕訓無怠爾修

張榮轉送郡觀察使

凡賞無常眡功輕重藏在盟府用以勸能具官某奮

不顧身忠于衛上淮壩之役扞禦有聞俾守海陵寇
莫敢犯于是民得按堵而鹽菜之利久廢復興肆疇
厥功爵應加等宜錫廉車之寵庶昭戒壘之榮徃其
欽承勉思報効

宋輝落職

朕駐蹕臨安視同天府浩穰之治付厥守臣爾以非
材嘗見屬任獄市所寄觀望爲姦始則便文自營卒
使刑放於寵事雖既往公議弗容論譏之華豈應冒
處其從鐫奪聊戒後來服我寬恩毋忘省咎

唐暉除諫議大夫

朕惟一事之失圖功弗終一行之虧視德有愧肆用
廣開公正之路敷求謇諤之臣蓋欲亟聞讜言磨切
左右所以成大功全盛德實有賴焉而况官爲正諫
表率在列位高責重可非其人具官某德蘊純明器
凝端粹率義不爽蹈古人之規遇事敢爲見仁者之
勇數任言責咸有能稱入直螭坳旋升綸閣雖詞章
每多於潤色而鯁亮不廢於論思有嘉造膝之忠曾
是伏蒲之舊粵從回禁還冠七人昔柳公權論事不
阿風采可尚遂由內史屈居是官朕稽前言亦以命
爾徃服乃事思勉厥勤陳古誼以啓迪朕心酌民言

而規正國論期補大化勿崇虛名

辛炳除御史中丞

唐文宗有言御史臺朝廷綱紀一臺正則朝廷治朝廷正則天下治國家自祖宗以來闕大夫不置而中執法實表率其屬以殫治不屈爲職迺者東拔忠良布在言路而臺無長官朕甚恧焉推擇其人宜以次舉具官某廉清有守秉高世之資諒直不回勵古人之操辭榮求志達于聽聞召還周行任以言責載觀論奏之實益信風節之彊排姦擊邪百吏震竦國之司直惟爾有焉徃由雜端進居獨坐雖斷自朕志而

考于公論蓋無愧矣夫以道制法所以處天下之事爲官擇人所以行天下之法事有弗當于理人有弗協于極皆汝責也其服朕命益懋乃心具陳治國之謀毋負敢言之地是謂稱職則予汝嘉

俱彥忠轉逢郡刺史

徃歲虜騎控弦瞰吾江滸爾以偏將鼓行先登逐北渡淮第功居最有司謂爾賞應貶恩顧方勸能豈限常制逢兼刺舉之號優示寵榮其勉厥勤用圖報稱胡世將除徽猷閣直學士知洪州兼安撫制置使

華陽集 卷之六
三
方面之權朝廷外屏惟豫章古郡實居上游襟帶湖
湘控引閩粵爰自艱難以來盜賊間起瘡痍吾民故
選建牧守常重于他鎮非夫恩威並濟知大體可畏
信者難以屬其任具官某䟽通練達文雅自將早被
柬求登于禁近朕固知其有折衝禦侮之略有牧人
御衆之才京口大藩試以帥事曾未期月果有能名
比方召復周行俾貳司寇而江表重寄念非卿無可
付者是用升華延閣以寵其行夫一路十州兵民大
政得專制焉蓋休戚之所繫也卿其考古忠信之長
慈惠之師以撫安茲土亦使夫令修于庭戶數月之

間而人自得于湖山千里之外毋愧前哲則予汝嘉

侯延慶除起居舍人

昔倚相能讀三墳五典八索九丘楚王以爲良史朕
敷求時髦俾記言動亦惟博極羣書義類通貫然後
責其任職以爾儒學之英奮由庠序粹然論議縉紳
多之頃嘗擢自郎曹固已直入螭陛一從外補數更
除書考之僉言宜還舊物夫載筆之任重矣隱善諱
惡則失之誣因淺仍俗則失之陋爾宜勉焉毋流于
二者之失予惟汝嘉

韓京轉左武大夫

朕方整軍經武立國之威凡厥有功必加褒賞具官某夙推將略雅得士心盜擾吾民斬獲底定戰多來上深用歎嘉俾進一官庸示勸獎往朕休命益圖爾勤

姚舜明復舊職

朕記功忘過不遺疏遠之臣而况出入禁近爲吾法從者乎具官某蚤以才猷屢更器使六卿之亞蔚有譽言頃由外官嘗坐微累閱時旣久宜見杖拭悉還舊秩用昭新恩徃其欽承益思懋勉

陳昌禹除待制知靜江府

朕惟屏翰之重不可屬非其人矧吾桂管要衝控帶西南之地兵民所寄謀帥尤難非夫術略威權見于已試不在茲選具官某忠勤自勵風力有聞簡于公朝屢更煩使比嘗付之郡政究其施設之方治有能名遠近信服是用嘉其顯效畀茲巨藩升華次對之聯增重中權之任朕方以安民爲武耀德爲威徃體至懷母求竒功以煩憂顧

杜湛除遙郡團練使江西兵馬鈐轄

朕設勇爵以待天下勞能之士蓋欲激昂情氣協成武功以尔沉鷲有謀忠力自奮習于行陣屢上戰多

不有寵榮人罔攸勸其升舊秩往主戎團祗服茂恩
尚圖報稱

王似除資政殿學士川陝宣撫使

中原大勢實依秦蜀之雄元帥撫封用作藩籬之固
眷求閱禮觀詩之士就付折衝綏遠之謀宜錫贊書
以昭宿望具官某直方而不撓篤實而有容雅高拯
溺之材遡大川而必濟見謂剗煩之手投利刃以皆
虛屬此艱難之時備更中外之任純誠彌篤丕績具
昭簡在深衷可膺重寄顧西南之外屏壯形勝于本
朝師徒久勞疆場多事雖戎律已勤于妙筭而軍容

未正于中權載疇僉言肆時改命陟隆名于秘殿總
大柄于師于是爲圖任之公勉赴功名之會予欲尊
主威而強國爾則撫御于全師予欲禦外侮以息民
爾則布宣于威令祗服明訓益勵遠猷

盧法原除端明殿學士川陝宣撫副使

當險阻艱難之時慮莫先于謀帥得詩書禮樂之士
庶相協以圖功矧累朝之舊臣副一方之重寄宜加
異數以撫成師具官某志在古人名顯當世偏儀侍
從堂堂人物之英備罄猷爲蹇蹇王臣之節肆予圖
任屬此老成會興秦蜀之兵俾貳軍師之政竒謀碩

畫自能暗合于孫吳禦侮伐謀尚何遠想于頗牧顧
今方隅之未靖况復屯戍之久勤盍加寵於使權庶
增重于戎律爰錫贊書之命亟升秘殿之華斷自朕
心克符公論四郊多壘念方軫于至懷千里折衝其
勉攄於遠略

胡寅除起居郎

左右置史進聯二省之華言動必書用紀一時之實
求稱厥職可非其人以爾學博而文才敏以達有志
當世發聞自初嘗妙簡于公朝繼入躋于清貫論議
不屈氣節可嘉茲用擢于州符付之史筆時惟舊物

用觀已試之能往服新恩尚勉方來之效

王居正除太常少卿

舜命百夷典禮后夔典樂各能其官以名後世今國
家以奉常一司兼此二事而欲責其任職茲惟艱哉
惟爾少以美才輔之篤學頃由簡拔入侍於螭坳欲
究設施旋分於符竹踐更既久中外具宜顧茲列卿
亦爾舊物其往爲朕討論前代之制作緒正今日之
缺遺使夫聲名文物之華燦然復舉庶幾朝覲會同
之節將有可觀朕志所期申命惟允

劉錫復捧日天武四廂都指揮使明州觀察使

權主管殿前司公事

儼州廬而列衛勢克壯于宸居提尺藉以申威權莫
專于環尹厥惟要地宜付偉材具官某慷慨而喜奇
謀沉勇而多大節撫臧宮之鳴劔夙有志于功名得
黃石之遺編信獨傳于韜略起自將種進超武階時
屬艱危任當繁劇佩邊城之印孤軍屢抗于凶殘分
帥閫之權諸將敢違于紀律旣錫廉車之寵旋膺部
督之雄輟統衛于親兵俾奮揚于西土偶坐微累頗
鑄要官雖歷時未久于廢閑豈一肯遂忘于委任盡
還故秩庸示新恩攝扈殿巖董司禁旅以重爪牙之

寄以昭心膂之親匪惟爾私實允公議入王宮而假
寐無忘大亮之忠真虎賁之得人尚謹周公之戒

關師古除熙河蘭廓路安撫制置使馬步軍總
管依前統制熙秦兩路軍馬專一招撫熙秦

朕惟王者圖回大業綏靖邊隅亦惟四方梟俊之臣
能任一時軍旅之事故得折衝禦侮坐有成功矧今
西土未寧地居四戰選將任職可非其人具官某沉
鷲而通明銳以果總戎知變得真將軍之風却敵無
前見烈丈夫之勇一自拔于遠服統臨將士被堅執
銳率爲衆先威名旣昭人用信服今朕擢爾安熙河

之民以摠節制之任仍兼舊職圖功允終夫兵勢無
常雖貴乎必勝之將而安民爲武尤急于招携之謀
往服訓言毋忘報効

西十楊應誠除樞密副都承旨

宥密之司整軍經武之制在焉方時多虞任責尤重
孰能爲朕周旋其間奉承詔旨雖在副介罔不擇人
具官某明智有餘深達世務氣節慷慨老而不衰自
昔寵分州符遠持使節頗能推其素所蓄積見于設
施譽者翕然達予聞聽比旣起從祠館表率上閣猶
以九儀朝覲之事用違所長更錫贊書擢茲要地夫

樞機所繫萬里折衝不密害成古人深戒往御厥職
毋忘訓言

趙需除吏部郎官

朕以時方艱虞吏員增溢未能遽損思得通敏詳練
之士主吾選法庶幾衡綜有序而僞冒者不得進則
官曹流弊不革自清以爾學世其家克自奮勵施于
有政譽言甚休是用擢于典祠俾列天官之屬進必
以叙益試爾能往祗厥官嗣有褒寵

呂本中除祠部郎官

朕方舉群策以收中興之功顧天下士有一善可取

猶將簡拔任用而况已試之才為朕所知者乎以爾
富于藝文能嗣家世考其事業譽在郎曹今典祠缺
員肆以命爾夫冰廳素號無事固有餘力足以講論
古今徃其勉之以待上用

劉一止除祠部郎官

臚詞以前以爾行義文詞縉紳推仰蚤膺器使入直螭坳
嘉其久即退閑益自堅于氣節肆以郎選還寘本朝
朕之用人不以官職崇卑而為輕重徃祗厥服以茂
遠圖嗣有褒遷毋虛朕意

舒清國除直龍圖閣與郡

西清五閣祖宗謨訓在焉寓直其間寔為儒者之寵
爾頃由郎省擢備史官既致人言宜從外補念其載
筆之久畀以河圖之名徃舉藩條尚思報稱

華陽集卷第六

畢

華陽集卷第六

華陽集卷第六
汪藻轉一官
汪藻字彥章
華陽集卷第六
汪藻轉一官
汪藻字彥章

華陽集卷第七

外制

汪藻轉一官

金壇後學于文熙校

朕于名器不以假人惟時賞勞則靡所愛故雖嚴近之列有應公令猶加褒錄蓋所以勸也具官某以文章得名而能達當世之務以氣節自勵而不忘憂國之心厭直承名往臨藩翰政平訟理百姓和樂有西京循吏之風比以軍儲闕供下郡國平價以糴而能悉意奉公承詔趣辦朕甚嘉焉其進一官以為任職

者之寵祗服休命益勉厥勤其或一官以爲主
陳桷除起居舍人下得固平爵以野而

朕慨念艱難以來士風不競媮薄之俗勝而馳騁進
取之習日滋故于用人尤名御厥與方將迪簡在位取
其沉厚之德靖恭之操以革斯弊而振起之惟爾文
學之富蚤掇殊科克勵才猷以蒙器使自歷中秘陟
郎曹蓋二紀于茲一時輩流咸見拔用迺獨退然不
以屑意朕方嘉其有守而譽言日聞是用付爾史筆
俾聯法從之班以職記注之事夫華要之選非獨爲
爾寵也欲使縉紳明識朕意知所趣向焉益勉厥修

無負眷獎

邵溥瀘南沿邊安撫使兼知瀘州

朕宵衣旰食思濟多艱不敢一日輒忘疆場之事故
選置師帥必惟賢能建威消萌用寬憂顧具官某奮
由儒學允蹈古人輔以才猷表見當世念去禁途之
久旣嚴召節之頒載考僉言宜膺煩使惟瀘川地接
夷族控制西南朝廷藩翰得人爲重今朕畀爾以中
權之寵往殿厥服爾其深體德意御名守教條無以地
僻俗陋而鄙夷之使夫並邊列城兵民咸久是爲稱
職尚勉之哉

趙起魏珍各轉一官

朕以驍將扞邊爲日滋久來赴行闕有嘉勤勞矧其偏裨協忠國事遠勒部曲可無寵褒其叙進于武階庶有光於戎律往服休命尚勉圖功

張成憲除金部郎官宇文師瑗除駕部郎官

中臺六卿總治衆務郎爲之屬其選甚高爾成憲才術之優見于已試爾師瑗縉紳之譽藹然有聞司珍駕曹宜以分命往其懋勉嗣有寵遷

景興宗轉三官換給付身

頃者秦蜀用師權在主將得以便宜行事謂爾有勞

可賞且復會課當遷就進文階亦以久矣茲用錫爾贊書新厥寵命往其欽服尚勉圖功

劉子羽散官白州安置

朕暴兵露師經理秦蜀置將不善功潰于成由引用之非人遂同惡以相濟誤國甚矣罪奚可逃具官某本非庸才乘於艱運謬竊逾涯之寵寢成妄作之凶方朝廷倚重元戎聽幕府自擇叅佐首以儉佞贊其機謀昧攻守之良圖恣剛愎以自用協持上下莫敢誰何富平之師一敗塗地旣自耻于失策欲移咎于他人陰肆讒誣濫行斬殺坐令將士卒至叛逆迨嚴

召以促還乃卧家而自便觀其寡謀輕敵雖惡有所
分至于慢上侵權則咎將誰執其以散秩往居遐荒
尚堅循省之心毋負生全之賜

程唐落職宮觀

腦詞具官某材無寸長志欲大用專事權要寔加顯
同前榮謬爲屬於戎昭曾靡遵于廟勝富平之舉朕甚悼
焉以諛佞濟輕脫之謀以殘忍成覆亡之禍生靈塗
炭職汝之由尚復何顏更臨藩翰覽彈章之來上知
公議之弗容其鑄延閣之華往食真祠之祿是爲寬
典母怠省愆

趙鼎加恩

朕日者昭事上帝大亨合宮秩將禮之文旣荷三靈
之眷推慶成之澤爰疏百辟之恩矧乃洪儒爲予近
弼方有資于同德其敢廢于舊章具官某才周而識
明器遠而用博忠嘉自奮屢陳經世之謀謇諤有聞
獨著立朝之節一自登于樞輔再分領于帥權坐申
廟勝之威益峻嚴瞻之望肆加嚴召入贊于機衡正
賴明謨用寬于宵旰念縟儀之旣舉宜慶賜之惟均
亟命有司式敷異數俾增封于爵號併申衍于爰田
夫尊賢顯功所以錫便藩之寵而憂邊思職尚宜圖

康濟之方祇服訓言以稱朕意

張穎劉彥適降官

持節一路以繩責郡吏部使者職也爾由選掄將漕廣右而縣令貪墨乃置不問朝廷耳目之寄尚何賴焉貶秩二等姑示薄懲往服寬恩勿忘念咎

趙進之轉官換給付身

川陝用師一時官吏付之元帥使以便宜黜陟蓋嘗謂爾有功可錄進主兵團茲用更錫贊書新厥寵命徃其欽承圖報勿忘

潘長卿潘粹卿轉一官遷團練使

朕欽念泰陵在宥之德昭慈保護之功實萬世永賴而吳國諸子是爲外孫備歷險艱來赴行闕此寵榮所宜及也進官一等仍畀使名尚勉厥勤以副朕崇獎之意

周綱姜師仲除監察御史

士有卓然以氣節自立于世然後能有所爲矧吾中執法之屬任國風憲以督察百吏爲職則爲官擇人非有立者不在茲選爾綱嘗任言責閱試已孚爾師仲行已直方見稱多士茲用並擢御史以舉六察之政考之公論匪爲爾私徃服訓言益堅所守

王綰除右司

中臺萬事之本天下之休戚繫焉方時多故詔勅文書倍于疇昔雖以二三執政提其綱維至于左右周旋剖決留事則責在其屬以爾燭理明而不惑遇事審而有斷郎曹更踐閱歲滋多蔚有休聲達于朕聽茲用擢居宰士以彌綸省闕往共厥職益務恪勤庶幾稱朕所以屬任之意

呂聰問除吏部郎官張銖除考功郎官李元湔除度支郎官

朕拔舉羣材以備官使惟時郎位其選甚高凡列職

於其間必考實于公論惟爾聰問名德之後文雅自將銖才術兼優能治邦計元湔爲屬憲府藹然有稱皆宜進陟顯途是用各加褒擢往踐厥服益茂爾猷蘇攜除檢正

朕惟東西二省政事出焉中書揆而議之門下審而覆之旣以二三大臣任其責矣則又爲之設屬以助其不迫吾於是知檢正之職不可用非其人以爾氣稟粹溫臨事敏達郎曹卿寺多所踐更比嘗命列司宗之貳而議者謂爾相臣之子嗣德有耀朝廷政體生長見聞是宜更錫贊書擢此要地夫一日萬機出

納當否所繫重矣往祗厥服益究乃心

呂聰問除宗正少卿

堯名御九族周尚同姓千載之後協和輯睦之風可以
想見朕甚慕之肆求時髦叅典屬籍庶幾糾合之義
無媿于古以爾名德之後儒學自將越在外服蔚有
休譽比嘗召對便坐觀其論奏有合朕心擢亞伯臣
公議惟允惟昔宗寺圖謀于今僅存裒集闕遺以昭
穆親疎之序則爲爾職尚其勉之

陳楠除太常少卿

左右史記言動之實地聯禁近奉常長貳專禮樂之
任班秩甚高朕爲官擇人各使效職攸司雖異易地
則同爾比由望實之孚入直螭陛乃以親聯宰輔引
嫌自言方茲公朝重違其意擢亞卿列主吾曲臺夫
以直筆叙事之才而付之討論制作之事益優爲也
往服朕命益究爾能

王居正除起居舍人

唐制兩省屬皆可議朝廷事其責重矣而况左右載
筆記人主言動實爲異時法從之選式序在位尤難
其人惟爾問學淵源論學勁正昔嘗入直螭陛固以
任職著聞比自侯邦擢貳卿列會吾記注引嫌自言

求稱厥官茲用命爾易地以處夫奉常班秩雖峻而
職清且近史實兼之往祇服于新恩益勉修于舊物

湯東野落職宮祠

朕選建牧守外作翰藩有兵有民任責爲重償悉心
于撫御庶少寬于顧憂具官某蚤以材能登于法從
維揚謀帥初謂得人當兵火瘡殘之餘付還定安集
之政所宜夙夜務稱厥職而乃坐靡歲月績效弗昭
致使一方坐弊尤甚宜黜隆名之寵往從祠館之游
尚服寬恩毋忘循省

吉俊補官換給付身

爾頃以武勇自奮從軍秦蜀主帥謂其有功裨私甚
峻錄名來上更名爲真往服寵榮益思報効

宋孝先起復知揚州

維揚古都會控淮帶江綿地數千里厥今屏翰之寄
視他鎮爲重兵火旣息餘民出于塗炭此厥師帥豈
獨任吾折衝禦侮之責而撫綏瘡痍朕心尤所深念
以爾久蒙器使中外殘更决滯務于都司贊深謀于
督府皆有聞焉朕思得疏通敏博之士經理淮甸爾
雖以憂去職義當奪情錫茲贊書往殿方面率勤儉
以勸生業推恩信以安衆心在爾勉之予不多訓

謝伋除祠部郎官温州主管神御

朕時巡東南欽惟宗廟未獲妥靈肆命有司奉祠于
近郡以爾冬官之屬敏肅而誠宜陟冰廳往以從事
詩不云乎温恭朝夕執事有恪尚其勉之副予休享
之意

曾紆降一官

朕分遣重兵宿屯要地惟時給餉責在漕臣爾才智
聞于一時何獨至此而不加勉使吾被堅之衆行有
乏食之憂主帥以言良拂予聽貶秩一官姑示薄懲
往服寬恩尚圖來効

程千秋起復知岳州

巴陵控引江湖居國上游兵火搶攘之後政失其經
民未復業今欲外疆屏藩內安流離貴在守臣其可
不御以爾富于才術嘗試為郡考其績效綽有能名
茲用起從倚廬之中委以專城之寄奪情以義宜遵
有國之常規當官而行尚茂折衝之遠略

郭師中轉刺史依前武功大夫換給付身

朕嗣承大統文武之士咸進厥官今既八年而帥司
謂爾恩獨未及升刺舉之號以聞于朝是用更錫贊
書載新寵命往其祗服思報所蒙

楊揆降官

朕惟淮楚與敵為鄰爾為守臣凡疆外之事義當專達乃不以聞違詔漏言皆汝之咎貶秩二等聊戒慢官益勉所圖以補前失

徐俯除端明殿學士宮祠

憂勤圖治時方急于任賢左右近臣義豈容于去國念有均勞之請欲高易退之風宜狗懇祈更全體貌具官某氣節不撓辨論可觀蔚有譽于當時期力行于素志起從踈遠亟聯從橐之華度越葦流遂陟樞庭之峻閱時未久被遇非常庶觀整軍經武之謀折

遐衝于萬里抑賴同寅協恭之助圖大政于一堂顧屬任之方深曾設施之未究奏章俄上引疾甚堅肆推從欲之仁曲示優賢之禮殊庭厚祿秘殿隆名匪曰朕私用榮爾去或出或處諒不替于憂時嘉謀嘉猷尚毋忘于告后

章傑除工部郎官

朕惟百工之事皆聖人作也述聖人制作之意考治百工而使咸精其能是謂有司之職以爾才智明達風力敏強將漕外臺蔚有休譽宜遠進登郎省屬于冬官以修五材九範之法克恭朕命嗣有寵褒

彭玘贈吉州團練使
 戰則死綏將帥之事也比年兵政不修望敵奔潰者
 十常八九朕方整軍經武欲以激勵士氣有能披堅
 執銳奮不顧死則褒崇之典其可後哉具官某資稟
 忠義志摧姦兇獨當喋血之鋒遽致隕身之禍有司
 具奏朕甚痛之其正序于戎團庶追榮于幽壤冤爽
 如在尚克欽承

華陽集卷第七

畢

華陽集卷第八

金壇後學于孔蕪校

外制

馮賽柴斌轉官換給

國家賞典藏在盟府有功則舉輕重隨之具官某素
 以勇聞奮義不顧頃者秦蜀之役帥臣以便宜行事
 謂爾勞能可錄超進武階具名于朝用新厥命恩則
 厚矣可無報哉

郭興贈三官

朕以爾忠勇之資摧堅却敵視死不顧卒以身膏艸

野良用嗟惻進官二等追錄爾勤亦以慰爾地下之望

趙思誠除中書舍人

朕惟人主有立政造事之勤而無論思之助則動或失中有發號出令之信而無制作之文則行之不遠孰能舉職宜圖舊人具官某秉德在躬克濟美于先世辭榮求志嘗晦迹于明時頃自丘園推登禁路論事能識大體抗強禦而不回代言真有古風見中和之自得去位既久勞予所思其遂解于州麾俾亟還于詞掖朕方圖回大業力濟中興蓋欲使朝廷凡幾

微之事罔有愆違亦庶幾天下因播告之修識所好惡任責在爾將觀已試之能服命惟新無負見知之意

范冲除宗正少卿

人主拔用賢能之士服在要途豈惟督責治功亦以率勵風俗惟爾名臣之子才術有餘澹然無求士夫高仰朕方御名叙皇族思欲追迹麟趾信厚之化而屬有攸籍官宜擇人徃列亞卿曰爾爲可勉赴朕命以舉伯臣之職庶幾典刑視效于親睦之教有助焉

江公亮章傑倉部工部兩易其任

天下之務總于六卿選建諸郎分隸迺事爾公亮為
司庾掌粟入之藏以待邦用爾傑為司平掌五材九
範之法以率百工蓋版曹起部其屬雖不同至于委
用則未始或異兩易厥任出于至公徃祗厥官毋替
朕命

孫注轉官換給付身

朕嗣承大統澤流海內文武在服咸被寵光具官某
奮義戎行有年于此阻以道遠恩獨未及帥司既以
俾且升進武階具名來上俾更命渥載新爾榮徃其
欽承思所以報

宋孝先降兩官

吏貪為殘害吾赤子爾為部使者坐視不問事發驗
治罪將奚逃黜官二等以為外臺不職之戒尚從寬
典省咎勿忘

种潜轉官換給付身

賞國之典藏在盟府出之無常輕重眡功具官某材
勇有聞熟于行陣秦蜀之役不績顯然帥司既以便
宜進爾橫列之峻具名來上用錫贊書徃祗厥官益
圖報稱

曾林轉官

舜典陟明雖九官猶不廢于考績周官詔爵更三歲則大計於羣工眷予從橐之聯宜舉邦彝之舊具官某性資醞藉問學淵源在昔光明盛大之時則備獻納論思之職眷遇甚渥踐揚居多自均逸于祠庭已屢更于歲籥比觀會課於法當遷俾膺爵秩之崇用錫贊書之寵徃服朕命益茂爾猷

范同除祠部郎官吳次賓除刑部郎官

六卿之職各有攸司豈惟分舉治功亦以待異日華要之選凡厥在服必取時髦以爾同學古有稽敏而練進爾次賓效官惟謹多所踐更宜進陟于郎曹以

佐吾宗伯司寇之事徃其率職嗣有寵褒

張順孟洵各轉右武大夫

國家置武功官等秩不一而橫列處其最高方時多艱名器爲重非有顯績不輕假人具官某勇聞一時出入行陣嘗從大將却敵有功迨今累年而幕府具名來上茲用錫爾贊書一新寵命以光戎壘以爲衆士之勸徃其祗服圖報勿忘

巨振楊琳降官

朕于武勇之士錫以高爵厚祿答其勤勞至于干犯憲禁亦未嘗赦具官某統率戎旅屬吾大將不自謹

畏過惡暴列幕府論奏顧安所逃罪哉尚從輕比姑
褫一官服我寬恩勿忘省咎

常同除起居郎

朕惟天下士有以文學論議表見一時而風節不強
不足與有爲也故凡拔用群俊必先試所以難觀其
遇事卓然有立然後寘之要地用能舉職厭服公言
惟爾諒直多聞深達世務頃自遠服擢居憲臺屢殫
排擊之公坐致姦邪之戢是爲試可克協朕心茲用
俾爾進直殿切記予言動且朕卽位於今八年繫日
之書缺焉未備方選儒學之士緒正逸典若時記注
實與纂修爾其勉舉厥官以謹書法庶使筆削之善
有副朕責成之意

范宗尹除資政殿大學士知溫州

朕時巡東南方倚維藩之固選建牧守益先宿望之
圖惟予輔臣越在外服宜遂分于重寄用允穆于師
言具官某高明而有謀敏博而能斷亟際風雲之會
蚤膺夢卜之求若涉大川嘗歷艱難而求濟克勤小
物每嘉弼亮以輸忠自違機柄之煩久卽祠庭之逸
叔敖去相不悔旣譽處之彌休申伯以作爾庸尚藩
宣之是賴眷迺永嘉之地實當海道之衝下酌民言

正資撫御徒得君重少寬顧憂其升秘殿之華往對分符之寵夫股肱舊德固宜一體以宣勞而膏澤下流豈待暮年而報政勉服休命克副眷懷

虞灃除檢正

朕惟東西二省政事出焉中書揆而議之門下審而覆之既以二三大臣任其重矣則又爲之設屬每事稽考以助其迨吾于是知檢正之職不可用非其人以爾敏秀而文多所殘更宣勞之著尤在都公茲用更錫贊書擢居要地夫一日二日萬幾是非當否所繫重矣往祗厥服益究乃心

晏敦復除左司

朕惟煩劇之務剗裁必得其人如庖丁解牛技經肯綮無難焉則談笑之間無餘事矣惟爾奮由儒學雅以才術著稱佐吾銓曹事至輒辦茲用進爾宰屬究其設施夫詔條叢淆吏胥出沒不可不察也服我訓言往勤厥職使夫游刃恢恢然有餘地則彌綸省闈之譽何愧于古

張崇轉右武大夫

國家置武功官等級不一而橫列處其最高方時多艱名器爲重非有顯績不輕假人具官某素以勇聞

習于行陣奮義不顧却敵有功宜升武秩之崇以勸
用命之士徃其欽服思報勿忘

藍珪轉內侍省押班

朕惟宮庭之制則有司存奉出入起居之嚴申戒令
糾禁之事恪恭乃職必惟其人以爾材智自將有勞
潛邸御密以謹克慕忠規宜進長于班聯用昭示於
寵渥尚思所報益勉厥勤

表正功除直秘閣與郡

昔我仁祖嘗患群臣欲進者多而求退者少以問宰
相王曾曾謂士人貪廉係時用捨惟朝廷抑奔競而
崇靜退則庶幾有難進之風朕讀寶訓至此未嘗不
三復興歎深念多故以來士風不厲正當遠稽前言
以革流弊之末今爾任吾宰屬方以治辦稱于一時
乃忽慨然力求補外嘉其趣尚義當勉從芸閣華資
用爲爾寵徃臨郡寄益茂厥修

顯應侯加封普惠侯

惟侯受職宅彼思靈大庇一方克有常享禱祈輒應
達于聽聞增錫徽章以昭其實朕命不易尚其欽哉
蒙光仲等加上柱國

遠處遐陬世懷忠順屬茲多故效節彌勤宜進勲階

華陽集 卷之八
用昭褒寵往祗厥命永固邊陲

汪思恭除吏部郎官主管侍郎左選

文部四選皆爲劇曹而侍郎所掌七階之士尤號員冗必擇通材以爲之屬而佐其銓序惟爾昔嘗任此藹有能名稽諸僉言宜還舊服往績已試之效用昭申命之公夫二年居官十年待選自前世患之而今日益甚思革其弊在爾勉焉

翟琮知壽春府

惟古壽春形勝甲于淮右數更寇亂瘡痍未復尚虞外侮震驚吾民圖御衆之才徃任扞城之寄具官某明志勇略聞于一時厭難折衝厥有成績茲用分以符竹俾臨要地內則布宣德意安集于流亡外則震肅威名綏靖于疆場是爲稱職尚其勉之

魏矼除殿中侍御史

朕推大公之心闢衆正之路以收集士類圖回治功其有弗協于極敗常亂政則責在御史府以法彈治之此風憲之任所以取重一時苟非其人不在茲選惟爾文學行藝見推士林頃自郎曹擢與六察氣節勁正凜然可觀茲用進陟殿中專以排擊官邪爲務夫明足以辨是非之實而勇足以行之則何事之不

舉何舉之不当或往祗厥官毋虛朕意

黃一官

操利柄
之藏付之成法收贏貲以佐邦國
之用青
既殫效職之勤宜舉懋功之典具官
其才周世務學嗣家風蚤升八座之聯獨擅一時之
譽以版曹之餘暇兼筦樞以宣勞調盈虛之時濬利
源而無壅考奇羨之入溢歲課以居多有嘉心計之
良實濟軍興之乏肆疇美績俾進文階時乃茂恩往
其祗服

高士瑰除直秘閣

圖書之府芸閣在焉寓直其間皆一時雋秀是為朝
廷清選爾以才術從軍有功畀此華資用為褒勸夫
帥司便宜之舉所以昭示至公具名上聞宜新寵命
往其祗服思報所蒙

宋萬年轉一官

時方用武正賴深謀有勞不圖何以為勸惟爾奮由
儒術洞曉韜鈴從吾將臣參計軍事用抗強敵屢獲
戰多宜加進秩之恩以示懋功之寵祗服朕命圖惟
厥終

司寶梁嬌娘賜名從順轉郡夫人知尚書內省

事

法天象之明用建中臺之制贊路朝之治尤嚴內省
 之司爰舉徽章式圖邦媛具官某飭躬端靜迪德惠
 和譽久著于宮闈靡聞私謁身服勤于婦職常佩忠
 規有嘉淑名御之稱宜總綱維之政序之寵位錫以美
 名大疏湯沐之封增重文昌之寄茲為異數率由至
 公其益懋于厥官庶克諧于新命

紅霞帔呂六六轉掌記楊二奴轉掌闈

後庭衆治內職主之式序勞能具存舊典以爾祗勤
 宮掖夙夜不違進陟婦官用昭異數徃共乃事思報

勿忘

故宗樸改封惠王

昔我皇族當重熙累洽之辰並建輔藩倣畫野分疆
 之制念閱時之既久致疇邑之相重度義不安改封
 為允具官某躬秉一德寵遇累朝方神祖之御圖推
 嚴尊屬以濮國之次子奄宅王封肆今遺列之存尚
 想宗英之盛眷予潛邸嘗胙晉康偶同壤地之名顧
 何嫌于異數然以嗣孫之請欲自避于殊稱爰徹爾
 疆宜莫如惠荒羅浮之勝地易隧路之新榮一品彌
 崇尚奚加于儀物九原未泯宜克享于徽章

華陽集 卷之八
趙思誠轉一官

朕以天官大許羣工之治惟時法從特循三歲之規
迨稽閱以上聞卽推恩而增秩具官某靜重有守諒
直敢爲持橐禁嚴居獲論思之助分符便郡實資屏
翰之良比載考于僉言方促加于嚴召適茲會課用
進文階夫以積日較功雖由銓序至于褒賢錫寵豈
限彝章勉圖厥勤以副朕意

華陽集卷之八

華陽集卷第九

金壇後學于文熙校

表

江東提刑謝到任表

臣某言伏奉勅命差臣權發遣前件差遣臣已于閏
四月十七日到任交割職事訖惟良折獄初未熟于
刑書爲官擇人忽謬將於使指臣某誠惶誠懼頓首
頓首伏念臣學無領略識不高明忝竊一官侵尋半
世家懷璞獨慚無實而得名一一吹竽庸敢抱虛
而求進三遷中秘再直郎曹皆粗守于官箴迄無裨

于國慮索長安之米懼尸素足以危身掛神武之冠
恐艱虞不當避事偶叨除于鄉部姑待次于親闈宸
綽四更歲陽七換貧窶方憂于家食歡呼勿奉于綸
言就易鄰封便趨官次四郊多壘曾無被堅執銳之
勤一路觀風乃有攬轡登車之適夫何孱陋忽此遭
逢茲蓋伏遇 皇帝陛下體乾健之資撫離明之運
求王道而忽于先務用人才而不以遐遺故雖僕遫
之微亦預澄清之選臣敢不夙夜率職審御持心引
古義以決疑自竭倪寬之學期有司之不犯用揚虞
舜之仁冀獲微勞少酬洪造臣無任

肆赦謝表

臣某言今月九日准都進奏院遞到赦書一道臣已
卽時謝恩施行訖星文示戒深軫慮於淵衷聖澤推
仁亟致祥于和氣歡呼旣洽精稜遂通臣某誠惶誠
懼頓首頓首竊以天之垂象以見吉凶王者求端以
考得失推于彼而有合于此知遣告之甚明應以實
而不飭以文顧靈承之敢後宜正厥事以孚于休恭
惟 皇帝陛下上智膺圖中興撫運克謹嚴恭之畏
靡忘宵旰之勤念國步之多艱感乾文而彌懼推占
小異爰興罪已之言肆赦遂行大布及民之惠災已

無忘國其有瘳臣敢不遵奉十行頒宣一路釋刑罰
之寃濫旣逃失職之誅浹恩霈于寵洪庶廣好生之
德臣無任

進天申節銀狀

右狀以長發開祥誕彌紀節仰祝後天之算載修任
土之儀前件物掌以非人藏諸外府備充庭于後列
表方物以輸勤粹若乾剛允符九五之德式如王度
願續祈招之詩于冒宸嚴俯深戰汗

除給事中謝表

臣某言伏奉告命除臣給事中仍賜對衣金帶者平

奏東臺義豈容于冒處懇辭中詔命莫反于已行拜
寵自天措躬無地臣某誠惶誠懼頓首頓首伏念臣
務學不知師古居官無以瘡人庸虛誤簡于淵衷叨
昧亟躋于華貫擢自古史掌四掖之贊書列于從班
陪外廷之末議但尸榮祿何補事功雙親闕奉于旨
甘累奏具陳于悃悞丐從孝養未頒賜可之音過軫
皇慈乃辱甄升之寵况封駁之重任實詔令之所關
爰資論議之公時正廟堂之失端欲稱職尤須擇人
夫何甚陋之姿與此非常之選錫九環之寶帶身兼
備乎服章拜青瑣之夕門地益親于禁密得逾所望

慚甚于榮茲蓋伏遇 皇帝陛下性堯舜之聰明躬禹湯之勤儉大收衆俊協濟丕圖官人盡棫樸之能咸歸有用代匱存管蒯之賤以責成功致此不才亦叨非據臣敢不激昂晚節勉勵前修論事不阿雖乏回天之力有言必告庶逃竊位之譏臣無任

罷給事中提舉宮觀謝表

臣某官伏奉告命爲臣僚上言罷臣給事中差提舉江州太平觀任便居住者彈章亟上敢意生全命綍寵頒姑從黜免荷恩慈之曲貸弔形影以深慚臣某誠惶誠懼頓首頓首伏念臣樸遯常材浮沉半世深

惟薄陋敢有志於功名偶幸遭逢遂寢叨于榮祿與一時侍從之選陪兩省論議之餘寵過所期報將奚稱雖夙宵黽勉曾莫著于微勞而過惡暴揚忽自罹於深譴退量駑蹩猥玷簡書適當艱棘之時上負明揚之意禡東臺之職孤蹤旣遠于宸嚴從真館之遊百口尚霑于廩稍顧官間而身佚知罪大而責輕茲益伏遇 皇帝陛下蹈商周之克寬躬漢高之大度總覽萬微之要灼知三俊之心憐臣迫于奉親屢請去而弗獲察臣忠以事上欲寡過而未能特霽隆威但令省咎臣敢不洗滌心慮遵奉訓辭在猷畝不忘

益勵愛君之志保桑榆暮景更修行已之方臣無任
楊楚寇退賀表

元惡逋誅敢稱兵而入寇王師壓壘俄不鼓而自奔
土疆復寧王威大振臣某誠歡誠忭頓首頓首竊以
國家多艱妖孽乘時盜名字以欺天背恩不顧剝黎
元而奉虜依勢爲強協成兇悖之謀公肆侵凌之侮
大逆不道從古罕聞固天地之靡容宜雷霆之赫怒
上煩警蹕親御師干旣遣驍將以挫其鋒仍倚大江
而固吾圉風聲鶴唳驚震疊之餘威蟻聚蜂屯忽散
亾而爭遁氛祲掃滅境于肅清復收蕩析之民大布

撫綏之澤神人咸喜宗社同休茲益伏遇 皇帝陛
下神武布昭睿莫廣運遠稽世祖欲就昆陽禽敵之
功近法真皇亟下景德親征之詔撫戎旃于禁旅廩
面筭以前驅志在蕩平務先特重謂上策莫如自治
唯深溝高壘之圖故不戰而屈人兵得保勝全師之
道臣身閒祠館望極丹墀外侮不庭旣却南侵之騎
中原可復願歌北伐之詩

除徽猷閣待制謝表

臣某言臣昨任給事中以言章罷職差提舉江州太
了觀任便居住今月一日伏奉告命以明堂禮畢特

蒙聖恩授臣徽猷閣待制差遣賜如故尋具奏辭免
尚書省劄子奉聖旨不允臣已于二十一日望闕
謝恩祇訖霈雷雨而作解旣蒙宥過之仁近日月而
依光復冒隆名之寵罪如山積恩自天回命下無可
措躬感深至於流涕臣某誠惶誠懼頓首頓首代
臣學迂而陋性滯且愚蚤塵俊造之科名浮于霄壤
遇聖神之主用過其材高華驟躡于周行清燕數
于睿獎不量叨昧自致顛躋念茲遲暮之年獨在
訶之域上孤任使深愧平生置散散間方道長宿
苦滌瑕湯垢任免患累之加歿之時給能以具數
不去家而與鴛鸞次對之列祿足以飽而從香火奉
祠之遊誰謂危蹤克膺殊眷茲益伏遇 皇帝陛下
配天同德與物爲春閔一夫之向隅開三面以祝網
謂嘗服御載收簪履之遺還畀恩光使畢桑榆之景
臣敢不欽承命渥益勵身修補劓息黥幸復全于玷
缺摩頂放踵當永誓于靡捐臣無任

紹興六年車駕巡幸起居表

臣某言臣恭聞車駕巡幸已進發至平江府暫駐清
蹕者親屈萬乘大巡六師天步載康皇威克振臣某
誠歡誠忭頓首頓首恭惟 皇帝陛下纂承丕緒圖

復中原虎士雲屯將啓前茅之慮玉車雷動俯勤細柳之行昭聖武於百蠻示恩威于諸將八神警蹕協豫順以乘時六轡如琴仰乾行之應律臣職居祠館班隔外庭効駕展軫莫備驅塵之列望雲就日徒傾嚮闕之心臣無任

紹興六年冬至賀表

臣某言四序密移肇啓初陽之候萬方來賀備陳亞歲之儀臣某誠歡誠忭頓首頓首恭惟三皇帝陛下體道御時配天立極黃鍾旣應迎協氣以橫流清蹕所臨萃諸福而畢至臣叨恩真館投迹窮鄉稱觴莫

預于周班傾藿徒存于魏闕臣無任

紹興七年元正賀表

臣某言清臺考曆統三朔以開元象魏布和詔萬民而觀治臣某誠歡誠忭頓首頓首恭惟皇帝陛下乾符載錫寶運重熙聿求王道之端克協人時之正四方來賀旣與物以爲春萬壽無疆宜從天而難老臣叨恩法從芘迹直祠遙想鴛鸞莫預周行之集並遊麋鹿惟均率舞之歡臣無任

徽宗皇帝升遐慰表

臣某言臣伏讀詔書恭聞

云禍降自天悲纏率土

臣某誠悲誠感頓首頓首恭惟皇帝陛下久居孝養遽宅大憂哀慕無窮聖惟難處願深思于付託宜少抑于悲摧克合禮經以幸天下臣限以職任在外不獲奔詣闕庭臣無任

紹興七年再任宮觀謝表

臣某言臣昨爲宮觀任滿具奏陳乞再任續奉勅命候今任滿日令再任臣已卽時望闕謝恩祇受訖身閒竊祿深愧罔功秩滿自言猥叨申命荷皇慈之曲被感危涕之橫流臣某誠惶誠懼頓首頓首伏念臣蚤以謬庸誤膺簡拔持紫荷之橐嘗獲近于清光拜

青瑣之門寔不容于公議過蒙全度姑聽罷歸復聯次對之班更畀真祠之逸歲月易得俄見迫於終更貧病交攻妄欲仍于舊貫用傾危惘仰叩清衷方虞冒昧之干誅忽辱矜容而賜可職雖不改命寔維新得祿足以代耕益助庭闈之養有官而無課最荐修香火之緣揆厥所蒙其何以稱茲蓋伏遇皇帝陛下至神默運盛德兼容常以佚道而使人豈于匹夫而求備謂木卷曲而不中繩墨本自弃材知馬虺隤而難以馳驅忍令更駕俯聽就閒之請大推從欲之仁故使餘生亦均殊遇念此難虞之際獨居僥倖之

多問舍求田詎敢卽安於私計捐軀殞首終期効死
於他時庶竭微忠少酬洪造臣無任
紹興七年車駕駐驂建康起居表
臣某言臣恭聞車駕巡幸駐驂建康府者載移清蹕
爰宅近都萬騎天臨見上聖憂勤之至庶邦風動知
中原恢復之期臣某誠惶誠懼頓首頓首恭惟
帝陛下神武布昭睿謨濬發內修五禮稽虞舜之時
巡外整六師法周王之於邁用涓穀旦聿臨大江不
辭馬上之勞坐得域中之勝紹復先王之業與時
偕行再會諸侯于東都指日可待臣奉祠有守扞牧
牧靡皇浮天時而不懷徒誦盤庚之作居江海而何
有唯存魏闕之思臣無任

丁父憂服闕從吉再任官觀謝表

臣某言臣今月十七日伏奉勅命以臣前任左朝奉
大夫充徽猷閣待制提舉江州太平觀緣丁父憂服
闕從吉特蒙聖恩授臣依前官職改差提舉亳州明
道宮任便居住臣已於當日望闕謝恩祇受訖釋三
年之喪未忘哀慕拜九重之命遽復官聯不自意其
餘生尚仍叨于舊寵危惊易感哀淚交流臣某誠惶
誠懼頓首頓首伏念臣稟生多艱于世寡合偶值中

興之運誤膺上聖之知頃自常僚擢升華貫遭時見
用欲自効于孤忠當官而行殆難堪于衆怒仰蒙聖
度深諒愚誠俾聯次對之榮退處真祠之逸方杜門
而求志俄陟岵以纏哀畢此喪期絕無生理山塋路
熟身從麋鹿之遊禁禦天高望絕鴛鸞之列豈伊朽
質上軫洪慈俯矜荼毒之餘加惠龍光之厚官不易
舊命實維新自視庸虛重慚忝冒茲益伏遇 皇帝
陛下化育萬物允釐百工用人惟已而不以遐遺以
道觀能而各有攸處臣朴忠自信昔嘗入侍於清光
知臣病瘁可憐故特寵還于異數家食無事功之責
責母慈足甘旨之歡天地隆恩固難圖于報謝桑榆
暮景徒求誓于糜捐臣無任


紹興十年明堂禮成賀表

臣某言臣恭聞九月十日明堂禮成大赦天下者大
享合官禮儀既備受釐宣室慶賜遂行臣某誠歡誠
忭頓首頓首竊以國有常經祀爲大事稽九筵而定
位莫尊王者之堂間三歲以陳儀用拯聖人之孝恭
惟 皇帝陛下廣堯舜之仁義恭禹湯之儉勤道格
皇天靡怠靈承之志功歸烈孝聿修嚴配之儀彌文
咸秩于舊章精意克昭于大報神祇來饗福祿並膺

逃惟萬邦之歡永賴一人之慶臣叨官禁路竊食祠
 庭禮有執牖莫預駿奔之列欣同擊壤徒深抃舞之
 情臣無任

華陽集卷第九

畢



卷之二